


福建通志

第壹拾肆冊
公署



福建公署志卷一

福州府 閩縣 侯官縣

萬壽亭在九仙山巔清康熙五十二年福建士民建爲階三重建亭其上鑄萬壽無疆四字於穹碑以爲祝釐之所

萬壽宮在府治西門大街清乾隆二年建爲朝正祝釐之所

總督部院署後稱閩浙總督部堂在宣政街西宋爲提刑司署明道初提刑劉立之建乾道間增置武提刑淳熙間葉南仲始分公宇爲東西廳元爲肅政廉訪司署以東廳視事以西廳爲南臺監察分治行司明洪武二年改爲福建提刑按察使司十七年僉事謝肅建福寧道署於儀門東以舊分治行司爲察院巡按御史居之正統五年移福寧道署於錢局移察院署於東街其地皆本司前此大門東折天順三年按察使胡新更大門於儀門之南以舊大門前地易民居闢東爲衢成化元年按察使馬文昇復甯民居闢廣衢西出弘治以後按察使李貢夏景和陳珂劉遜相繼營

葺拓其隘陋更爲闕敞門始南向清順治十八年總督李率泰移駐於此
原署在東門街今康熙二十年總督姚啓聖市民居拓南數十步建牙置
爲鎮關將軍府

轅門乾隆五十七年燬於火總督伍拉納重建舊有熙春亭藏春亭俱宋

嘉祐間提刑王陶建藏春後更名留春 繡衣亭嘉祐間建後更名薰風

幸堂熙寧五年提刑宋道建道自爲記 樂圃提刑俞向記熙寧五年

宋公嘗爲幸堂記予宣和己亥詢幸堂所在今易名虛靜是也自虛靜之

北園館連屬明年更繕完之名其北曰憲堂南曰澄清庭之南有二木樨

故亭其下曰雙桂回廊之外左右二亭東曰熙春西曰藏春熙春之東樓

頗宏麗時可奉親爲游覽之地目之曰斑衣藏春之西有樓遍植荔枝命

之曰荔枝左右二沼手植瑞蓮名曰清逸虛靜之東曰幸軒幸軒之左乃

治事之便室小山從翠題之曰山齋 仁亭淳熙間建於東西廳之間

憲堂後更名中慶東有小軒曰靜寄 斑衣樓後更名宿雲樓 雙榕亭

在宅堂後 繡木亭在西廳 天眼堂在聽政之廳明洪武間按察使陶

原仲劾布政使薛大昉貪墨大昉亦誣原仲並逮至京原仲得直還職士民迎者數萬人歡聲雷動有陶使再來天有眼薛潘不去地無皮之語後人因名其堂

巡撫都察院署後稱福建巡撫部院在福星坊嵩山麓其地爲閩五州諸侯館宋時尚書王祖道宅明洪武初爲附馬都尉王恭公署正統間鎮守內官居之嘉靖初改爲提學道署倭訂閩中朝議設巡撫開府於此四十四年燬於火隆慶元年巡撫塗澤民重建萬曆三十二年巡撫徐學聚市西北民居拓之三十九年巡撫丁繼嗣再葺清因之觀亭在後園明成化閒巡撫張瑄建耐煩對境亭在東偏萬曆閒巡撫耿定向建書耐煩說於亭額

提督學院署在南門大街東舊貢院地也其前古府學杏壇之址明洪武十七年布政使薛大昉割以益貢院成化七年遷建貢院於屏山之下遂改創爲察院署嘉靖二十七年改爲公館按嘉靖十四年提學江以達撤

鎮守所而新之三十七年闢爲都察院巡撫御史居之後爲提學道萬曆
四年改爲清軍察院十二年副使耿定力崑爲提督學校公署二十七年
礦稅太監占之後改爲督學道署明岳和聲有來復堂記略云和聲以丁
巳受事署改爲清軍院清軍變爲鎮守鎮守改而爲學署學署變爲稅監
稅監復改而爲學署後之君子居斯堂者試從此見天地之心焉院工始
於戊午十一月訖己未四月改創樓三楹顏曰元暢增置良隅精舍四楹
新其內堂而顏之曰來復大堂後軒一楹顏曰信斯遷神祠於坤方闢賓
館於巽隅創八閩師表坊於衢左此皆純用鼎者西則受益堂三楹東則
荔香館三楹方鑑亭一區有池匝之外則文武官師弟子胥吏所憩輿人
隸人所棲凡十二楹原有文館在烏石山北清燬於火地廢爲城守營乃
於署中置東西文場試士左有逢源亭西有友清軒清陸求可有記清康
熙五十七年督學李鍾義葺而新之李鍾義有記略云由宅門而內爲宸
警堂由堂而東爲思過堂前爲翼經堂又前爲逢源亭由思過堂而後書

房四楹踵故制而略更新者也堂西友清軒老屋三楹居然完好此則舊
貫之獨仍者也俞開甲有友清軒補種松竹梅記我湖心齋沈公植松竹
梅於使院之西偏扁其軒曰友清蓋在康熙甲申距今六十年矣雍正九
年督學戴瀚葺文場而新之乾隆十七年郡人候補員外郎何際逵捐建
東西考棚

布政使司署在子城坊當三山之中後枕越山前案方山州自嚴高初作
郡宇暨爲刺史加都督進節鉞改廉帥皆號會府唐爲都督府又爲觀察
使衙乾寧錫軍號威武爲威武軍節度使衙遂作重鎮五代梁爲大都督
府閩王氏時改作踰制錢氏納土於宋悉廢之獨明威殿存守臣避不敢
居以爲設廳凡勅設宴集乃就焉而卽其西建大廳以爲視事之所慶曆
六年郡守蔡巽重建設廳創曰新堂嘉祐四年郡守燕度建安民堂於大
廳北後更爲燕堂建炎三年改鈐轄爲安撫使以設廳北曰新堂爲安撫
廳使宅在燕堂之西南宋末端宗卽位於閩以設廳爲垂拱殿元或爲行

省或宣慰司更置不常明洪武初爲福建等處承宣布政使司正堂扁曰宣政後改政本後堂扁曰退思後改紫微左右布政使宅在堂西清因之儀門舊有樓歲久傾圯康熙二十年布政使佟康年修建雍正十年內署火布政使潘體豐重建乾隆二十八年布政使曹繩柱修道光十六年正月民房延燒署內不戒於火布政使陞任貴州巡撫賀長齡奏請借廉重建七月召匠興工委邵武同知加知府銜陸我嵩糧捕通判陞福防同知文燦藩司通吏在籍候選縣丞姚桂廣積庫大使黃琮董其事十七年正月落成是年布政使吳榮光再任作來復君齋並立布政使題名碑凡四石吳榮光記題名碑略云碑自順治三年分左右布政司兩官至康熙六年專設布政使一官以迄於今姓名籍貫出身具載其不可攷者闕以俟之

舊大都督府門唐上元二年創錢氏歸宋凡爲世門額悉廢惟威武軍門大都督府門仍舊慶曆八年成戰修列戟十有四謂之儀門亦曰衙門舊

額蔡襄書後張致遠重書郡廳宋天聖閒郡守章頴建亦名簽廳御書閣
天聖閒郡守鄭載建小廳景祐閒郡守范亢建後更名清和堂春野亭雙
松亭俱蔡襄建隸書額道遙堂皇祐閒郡守劉夔建九仙樓熙寧閒建以
其面九仙山因名樓下東西二閣舊清風樓爽心閣卽此後名東閣爲賞
心閣西閣爲五雲閣後余深典鄉郡更名衣錦閣坐嘯臺熙寧閒郡守程
師孟築初名玩月宣和閒俞向以得象亭材創更名月榭武備堂元豐閒
郡守劉瑾建又創架閣庫甲仗庫舫齋在燕堂西廡元祐閒郡守林積作
纓閣於其上怡山閣在坐嘯臺東舊荔支樓望雲樓閱射亭之地元祐閒
柯述建止戈堂建炎四年寇起郡守程邁乞師於朝命孟庾韓世忠討平
之更名武備堂曰止戈堂眉壽堂紹興閒帥守張浚爲母秦國夫人建威
武堂在忠義堂西嘉祐閒郡守蔡襄建并書額紹興十二年郡守程邁修
萬象亭紹興閒郡守葉夢得創於燕堂之北懷隱庵在舊威武軍內紹興
閒郡守葉夢得創沈适有懷隱集載居山之式後歸休於夢溪夢得慕之

因以名庵庵東西有亭曰歸意曰悅柏修令堂乾道閒郡守王之望立額
堂之後有自公堂雅歌堂和樂堂俱乾道閒郡守王之望建誠心堂元至
元閒右丞蒙古歹建省廳因創此廳

經歷司在署左都事廳在署左照磨所在儀門外架閣庫 廣積庫俱在
司內龍亭庫在布政司儀門外東南

譙樓在儀門南卽威武軍門唐元和十年觀察使元錫建州門乾寧三年
升爲威武軍遂爲威武軍門呂權書額宋嘉祐八年元絳更爲雙門上建
樓九間熙寧二年始造滴漏有鼓角更點下爲亭以翼之左宣詔右班春
元泰定四年火重建石柱四十四長各二十八尺廣二尺八寸樓高九十
八尺深八十一尺廣二百八十八尺明嘉靖四十三年布政使陳大賓改建
南額曰海國先聲北額曰拱辰萬曆三十九年左布政使丁繼嗣石布政
使袁一驥重修曰全閩第一樓南曰海天鼇柱北仍舊名門直方山五虎
對之四柱中門從左門出清順治十八年火石柱俱壞康熙十一年布政

使何中魁重修規制卑狹非前日之舊宋建炎二年江待制常紳明約束
守漏四人分兩番值日貯漏水匱具中候魚珠落銅盤乃移秤刻卽告戶
外報時者諸衙報牌九人以鼓角匠輪差於戶外祇應告報直漏五人分
直五更竝以搥鼓人輪差匱具等物五十日一滌昏時鼓角八人各廿六
聲爲二疊搥鼓八人角聲止乃各搥鼓十爲三通凡三角三鼓而畢四更
三點及申刻各吹角三疊爲小引更以鼓點以鈺銅鈺欸識云梁開平五
年歲次辛未七月壬午朔十三日甲午午造重百廿斤世傳閩王點卽此也
按察使司署在布政司東新街舊都司署原署在宣政街西詳見總督部
院署清康熙十三年都司缺裁改建於此二十一年儀門火按察使趙進
美重建嘉慶十六年又火按察使劉大懿借帑建

經歷司(在司東)照磨所(在司東)司獄署(在司東)

糧驛道署在布政司儀門右清康熙二十四年爲清軍驛傳道署雍正四
年驛傳併歸鹽運司改爲督糧道署後仍兼驛務爲糧驛道署嘉慶十二

年海氛不靖改爲分巡寧福兵備道移駐福寧府治海平十九年復改爲督糧道仍駐省城舊署

鹽法道署在布政司西卽宋西外宗正司宋時轉運司在建州其轉運行衙在威武門西南政和閒遷轉運行司於府東迎仙館建炎二年寇起移福州紹興二年還建州三年復移福州尋仍舊元更置福建等處鹽課市舶都轉運使司於福星坊內舊福星館皇慶元年始移置今所延祐四年運使郭朶兒建明洪武初改爲福建都轉運鹽使司後燬於火清康熙二十二年重建今爲鹽運使司鹽法道署乾隆二十八年鹽道徐景熹四十四年鹽道曠爾弼善書帑修

廣盈庫大使廳在署東清雍正七年建架閣庫 廣盈庫俱在司內

福州府知府署在布政司西卽宋安撫司忠義堂春臺館之地慶曆閒郡守蔡襄建威武堂手書額元爲福州府明洪武二年改建爲福州府二十一年火二十六年知府廖崇德重建堂 爲儀門吏六房在堂下左

右廊儀門外東土地祠西迎賓館又南爲大門獄在大門內之右外門直街百步立坊扁曰宣化東西立申明旌善二亭正德閒知府王子言鑿東西二井曰青龍泉萬曆閒火署府事同知鍾大成建清順治十八年樹楔燬申明旌善亭亦廢康熙二十八年知府王原直復樹楔三十年堂圯於颶風五十八年知府韓奕重建乾隆四十八年知府永福修嘉慶十四年大風壞十六年知府朱桓借帑修道光十年知府王耀辰重修舊有甘棠院宋開寶閒刺史錢昱創其南爲門榜曰甘棠門 夢蝶亭枕流亭臨風亭綺霞亭俱在甘棠院錢昱建 流觴亭嘉祐閒郡守元絳建 佚老庵元絳建後改爲隱几又改爲淨名 會稽亭以元公開國會稽名公出守龐籍王公珪范公鎮王公安石司馬公光等五十三人賦詩五十七章以寵其行刻其顯者置壁閒 忠義堂治平初元絳建堂東西壁繪像凡四十七人周公一人併社稷忠臣張良以下一十六人節義忠臣申包胥以下一十九人諫諍樊噲以下十一人 熙熙亭元絳建亭畔有池政和初

黃裳更名得象自爲記 春臺館熙寧開郡守元積中更甘棠門爲之

偃蓋亭紹興開帥守張浚理夢蝶亭故址爲之 秀野亭清風亭俱紹興

間郡守張宗元建 州西園在牙門西偏宋時建內有春風亭春臺館諸勝

每以歲二月啓鑰維士民遊觀閱月而止 光儀堂在縣吏堂側明萬曆

三十九年知府喻政建政自爲記

理事同知署在府治內西偏海防同知署原在府治內東偏清雍正十二

年移駐南臺霞浦街

糧捕通判署在堂西北

經歷司在府治內東偏司獄司在大門內西

閩縣知縣署在九仙山麓舊在閩都坊內明洪武二年知縣路路圓玉移建

秀實坊淨美尼寺故址清順治十八年知縣周雍時移建本學廟後改教

諭宅爲署中門外左傍山麓多大石高逾尋丈逕路紆折乾隆十年知縣

李芬鑿石闢地重建大門庭廡始敞四十八年知縣楊希炯修嘉慶十四

年知縣言尙焜領帑修

縣丞署在縣治大門東宋紹興閒林亮功有題名記清雍正十二年移駐營前主簿署在南臺清乾隆四十五年裁福州府照磨改設主簿兼管水利典史署舊在縣東南今移丞廳

五虎門巡檢司署在府城東嘉登里今改駐南臺閩安鎮沿海巡檢司署在府城東江右里永慶巡檢司署在尙幹

侯官縣知縣署在官賢坊內唐貞元閒從岳江徙治郡城元至大閒又徙城西舊澄瀾閣故址十六年爲普平章衙明洪武三年復爲縣治二十九年火知縣張繼重建永樂元年復火乃權構以洩事宣德七年主簿張鐸典史李偉復建廳宇正統閒知縣梁叔蒙增建穿堂正德閒知縣胡大化修後堂清康熙閒正堂圯知縣姚震重建雍正七年知縣蘇本潔改建大門乾隆五十八年知縣汪光緒嘉慶十四年知縣王桂借帑重修縣丞署在縣治內東清雍正十二年移駐大湖典史署在縣治內東

竹崎巡檢司署在府城西北十六都五縣寨巡檢司署在府城西北十七都
清雍正十二年移駐南嶼

鎮閩將軍署在府城東門大街光澤坊內舊織染局地也初建於府治西
南法光寺東成化十六年提督市舶都知監太監韋查與織染局互易創
建後爲巡按御史署清初爲總督署後改將軍署乾隆九年將軍新柱重
修

督理閩海關署在城外南臺中洲併歸鎮閩將軍兼理

副都統署在府治東通津門北清雍正七年建

鑲黃旗協領署在三道灣佐領署在東門大街

正黃旗協領署在東門大街佐領署在東門大街

鑲白旗協領署在紗帽井佐領署在河東街

正白旗協領署在東門大街佐領署在東門大街

鑲紅旗協領署在河西街佐領署在狀元坊

正紅旗協領署在東門大街佐領署在德政橋

鑲藍旗協領署在水關閘河邊佐領署在渡尾街

正藍旗協領署在武安橋河邊佐領署在武安橋河邊

防禦署八所俱在旗汛口內

筆帖式署一在仙塔街小花園一在舊閘縣口一在澳橋邊

三江口水師旗營協領署在小鯉魚山佐領署一在公衙門左一在公衙門右防禦署一在公衙門大街一在小鯉魚山頭

督標中軍中營副將署在將軍山西原提督署中軍都司署在水部門外

左營參將署在西峯里守備署在水部門外

右營參將署在都司巷守備署在水部門外

水師參將署在南門外守備署在水部門外

撫標中軍左營參將署在南營守備署在水部門外

右營遊擊署在將軍署西南大牆根守備署在水部門外

協守福州城守副將署在仙塔街清嘉慶十四年兼辦福州將軍標中軍
左軍都司署在南門外舊在懷德坊清雍正十二年移駐右軍都司署在
舊錢局兼辦軍標綠營中軍

協守閩安等處副將在閩安鎮城內

左營都司署 守備署俱在閩安鎮城內

右營都司署在琅崎島右港道適中處舊在閩安鎮道光六年移駐八年
建守備署在大西汛

勸農亭在府城東易俗里清雍正二年創建

貢院在治山東北宋時在譙樓東自景祐建學大比例爲集試所元祐五
年郡守柯述謀所以易之會朝廷下學及 孔子廟不得試進士之制五
月乃擇州治之東南公廨及隙地爲考校之舍外門之內監門巡鋪彌封
謄錄之所皆具是時舉士纔三千其後寔增至於五倍側肩爭門坐不容
膝紹興三十二年王尚書師心以就試人益眾奏請增考試官三員爲十

見乾道元年郡學諸生相率以請於郡守王之望乃相其西北隅官舍易之得其地東西三十有八丈南北四之三增爲屋百二十有七楹淳熙元年應詔者二萬人帥守史浩講求累舉之弊試之日四其門以入之而出以二初令監門官公服立門左右肅揖而後入巡按者唱坐已定不許徒案只許保頭起身取卷凡門外有所傳入常切譏察逮晚設燎門道列七四幕爲納卷所是歲策問始命工鋸板分雕防漏泄也逐篇目限以一紙期趣辦也凡納卷有號簿彌封官手自封押增騰錄爲三百人明洪武十七年布政使薛大昉移於城南興賢坊成化七年布政使朱英按察使劉勅移建今所中建至公堂後爲衡鑑堂兩旁爲廂房堂之東爲騰錄受卷彌封之所西爲對讀供給之所衡鑑堂之北爲內策中堂扁曰公明堂東西列屋爲考官閱卷之所兩旁庖湔列馬至公堂之前爲試場場之中爲明遠樓南爲門三重前臨長街中建一坊扁曰貢院兩旁爲二坊對立東曰論秀西曰登俊補潛記後改二坊曰天衢曰雲路正德十一年御史胡

文誦闢新衢里許存橋曰青雲後改登瀛萬曆四年册封使者寓宿不戒於火越明年重建清康熙二十八年學使汪薇四十四年巡撫李斯義四十七年巡撫張伯行五十六年巡撫陳瓚先後增闢乾隆九年御書扁曰旁求俊乂聯曰立政待英才慎乃攸司知人則哲與賢共天位勛哉多士觀國之光敬懸於至公堂十八年總督喀爾吉善巡撫陳宏謀重修拓堂宇展號舍高垣牆疏溝渠各堂所房舍俱加增建宏謀有記顧其地處山麓水流匯積易於傾圯每屆賓興庀工修治號舍每巷寬不盈兩尺牆高僅及比肩無支錙炊火之地士子入試者簷壓其顛垣礙其膝其號舍又止八千有奇恭逢恩廣額加錄遺不坐號不敷則增蘆席棚號於巷外其苦尤甚而弊亦從此生道光五年鄉試巡撫孫爾準監臨試士畢適連城縣紳士原任雲南迤西道謝凝道倡捐銀三千兩請修乃飭令閩侯二縣量度貢院左右民墜隙地可拓號舍者備價購買次年陞總督與巡撫韓克均率同司道捐廉倡勸十府二州紳士量力樂輸遂於道光七年三月

十八日召匠興工委候補同知陸我嵩署閩縣任沈錯署侯官縣王益謙
閩安巡檢馬駿石牛巡檢來錫蕃督辦稽查同安訓導陳震曜候補教授
張冕候補教諭李鴻文諸生黃光宇郡人林潤陳道中董其事巷則折三
爲兩舍則減五爲四垣則增其高厚地則砌以磚石復於舊號之外增建
一千餘間共得號舍九千三百八十六間其他內外官司住宿之處無不
棄舊易新開深溝以疏山水濬劍池以宣洩之八年係鄉試正科遂將院
內工程於場前完竣其餘各工九年三月一律蒞事爾準有記

旗營教場在閩縣東門外五里七門橋演武廳五間

三江口旗營教場在鶴山下演武廳三間

省標八營教場在福州府南門外九仙山南清康熙開拓其地重建閱武
堂旗營軍械庫在會府右火藥庫在屏山

三江口旗營軍械庫在小鯉魚山頂火藥庫在大鯉魚山脊

省標八營軍器局在按察司東火藥庫在三山驛東

督中營軍裝庫在水部門外火藥庫在屏山

督左營軍裝庫在水部門外火藥庫在屏山

督右營軍裝庫在水部門外火藥庫在屏山

撫左營軍裝庫在水部河務鋪火藥庫在九仙山

撫右營軍裝庫在水部龍庭鋪火藥庫在九仙山

督水師營軍裝庫在南臺中洲火藥庫在屏山

福協左軍軍裝庫在侯官縣文館鋪右軍軍裝庫在本協都司署旁左右

軍共設火藥庫在屏山

錢局在按察司東清雍正閒爲觀風整俗使署乾隆閒改設

迎恩亭在西關外清乾隆十八年建詔勅至閩皆迎於此

接官亭在洪山橋左一在西門外

柔遠驛在水部門外明日懷遠以爲琉球諸番國使臣館寓之所清因之

廢署附

宋提舉行司在南街東舊都作院地崇寧三年詔諸路置提舉學事西
外宗正司紹興二年詔西外宗正置司廨舍始寓太平寺屬官二員卽
其東慶城寺居之主管教宗院今寺西南宗學教授今寺東北州作帥
府建炎三年始置機宜撫幹爲屬以監務廳爲機宜廨舍今旌隱坊北
是也後置機宜於南禪寺撫幹於神光寺通判廳初置通判一員廳在
威武軍門之西紹興五年增一員居威武軍門之東淳熙五年復置添
差釐務通判寓轉運行司之左編幕職廳 察推廳 節推廳 簽判
廳俱在府東郎曹官廳憲倉舊記府院在威武軍門外東偏次司法次
司戶南爲知錄廨虎節門外左右爲兩司理院建炎初以府院北爲撫
幹廨舍駐泊兵馬都監廳在府東偏職官廳東政和閒以爲廉訪治所
都監廳舊宣越門內西監押廳舊利涉門內東監甲杖庫廨舍舊在康
泰門內南後移甌冶池南巡檢廳在南臺監倉之西後移置寧嶺遂以
爲閩縣尉廳巡轄馬鋪廳在南臺橫山之西後移白田後又移水口尋

仍舊閩縣丞廳在城東南故駐泊杭越蘇營地簿廳在縣東國尉廳在城東後移南臺侯官縣丞廳在王簿廳東簿廳在縣東國尉廳在怡山門西寇殿旋爲教場都稅務舊還珠門外西偏後移安泰橋北之西臨河務在府治東南美化門內古南鎖港凡百貨舟載由此而入故置務焉紹興開會師建記州都倉舊名西版倉閩王審知創于城外熙寧二年拓豐樂門城爲子城倉乃在內作院舊定安門內之北鐵作院在清遠門內之東船場在南臺舊監倉之東後置井樓門外州東北古有船場門謂此樓字之絲署樓安以石岫爲縣署內有勅書樓熙春堂及東齋明徙入城在府治北子城坊內使星館在海晏門內街北皇華館在還珠門外舊春風樓地迎恩館在迎仙門內之南如歸館在威武軍門外之西

都尉營在開元寺東直巷吳置典船都尉王譏徒作船在此泉山府兵左衛營在州東百步宋爲東球場威武營在威武堂教場南舊駐泊廣

勇營之地全提指揮營在井樓門內東威果二十四指揮營在永橋北
威果二十五指揮營在乾元寺西廣節指揮營在康泰門外北不教閱
保節指揮第一營在金鋪橋北第二營在豐樂門外南第三營在豐樂
門外北第四營在廣節營東都作院指揮營在浦尾金斗門北有馬雄
略指揮營在麗景坊內東北城指揮營在威果二十四指揮營東軍城
指揮營在豐樂門外北

元亳州萬戶府鎮撫所在威武營亳州翼哈刺魯千戶所在館驛之西
南隅羅漢洋亳州十翼上千戶所在郡西門外雄邊營亳州一翼下千
戶所在郡西門外觀音鎮福新萬戶府鎮撫所一在萬戶府西威武營
一在萬戶府內理問所一翼中千戶所 二翼上千戶所 三翼下千
戶所俱在威武營越山之下營田司在郭北蒙古字學在亳州萬戶府
東其學堂扁曰同文堂惠民藥局在譙樓東總管府儀門之西

明巡按監察御史察院在布政司西南舊在按察司西偏俗呼西察院

清軍監察御史察院在布政司東百步許永樂閒爲都指揮錢貴宅俗呼東察院布政司分司

按察司分司俱在府治東北里許

兵備道在治山南嘉靖四年建巡海道在鐘山右屯鹽道在芝山山西正德三年建福寧道在布政司西南三山驛之西卽元西驛舊在按察司中門內之東武平道在南營口今俗呼憲臺裏推官廳在府治內西偏海防督捕館在烏石山東北舊係市舶提舉司萬曆閒改爲公館後改杉洋通判署市舶提舉司在布政司西南都指揮僉事王勝故宅舊置司於泉州後番舶入貢多抵福州河口明成化五年巡撫張瑄奏移於此陽崎稅課局在府城西南九都洪武元年設洪塘稅課局在城西二都洪武三年設閩安鎮稅課局在江右里洪武三年設稅課司在安泰橋西洪武七年設織染局在府治西南懷德坊內洪武八年設江南河泊所在嘉崇里洪武十六年設三山遞運所在三山驛東南洪武閒建寶源局在芝山寺左萬曆五年增建進貢廠在城東南河口明初番國

貢獻者貯於此然後上進有交盤廳正德壬申督市舶太監尙春又建控海樓於廳左又一廠在城內東南

福建都指揮使司在布政司東南卽宋試院地也元爲福州路總管府左衛指揮使司在都指揮使司東南宋薦福寺故址右衛指揮使司在都指揮使司東元總管府司獄司故址中衛指揮使司在左衛之東宋太平寺故址烽火門等五水寨造船廠在府城東南河口武庫司馬聖記略云常念城池儲蓄士卒皆已就緒獨軍器一事雖成造有法蓄積有餘然武庫未建往往寄頓他所不徒易以朽腐而扇鑰不時典守不一殊爲闕典乃訪求城中得隙地於北隅越山僧寺之側會同巡按向公暨若三司條請於朝既得允旨爰檄藩司出羨餘若干市材鳩工經始於弘治辛亥春正月落成於明年壬子冬十二月

長樂縣

知縣署在六平山南唐武德閒置縣於敦素里卽今古懸上元初防禦使

董玠移於今所建廳事宋元遞有修建明洪武十四年知縣邱宗亮構六房兩廊儀門景泰元年知縣龍韜修廳事弘治間知縣潘府遷縣廨於儀門內西後令王煥建鼓樓於儀門前正德十年知縣曹鉉修川堂及廳事崇禎十二年知縣夏允彝重建儀門清順治五年燬於寇知縣吳鳴純建康熙間知縣崔振琳修乾隆二十二年知縣賀世駿修堂解儀門嘉慶十四年風潮沖刷道光四年知縣盧擇元借帑重建舊有清心亭宋皇祐令余俛建 惜陰亭皇祐令吳仲舉建 求誨堂在廳事後熙寧令蕭竑建待月閣在廳事西元豐間王簿曾孝傑建 望雲軒在廳事北元豐間權令施聞建以寓其思親之意 攬翠軒元祐間王簿陳伯孫建 仰軒在廳事東月臺在廳事北盡心軒樂古堂絃歌堂在廳事西俱元祐令袁正規建 不欺堂乾道間令楊汝舟撰自爲記 三事堂在廳事後原名退思令潘府更名 不愧堂在儀門內明嘉靖間令吳遵名 哦松軒梅軒退省齋懃軒俱萬曆間令李奇珍建

典史署在儀門內之東

長福營右軍都司署在縣治東街

演武廳在縣南城外里許火藥庫在箭道後山上

廢署附

宋主簿廳初建縣西南隅後省尉徙其廳尉廳在文行坊後遷縣東南隅復遷簿廨再置簿遂卽東南爲簿廳

明察院衙在縣治東半里許今改爲箭道布政司分司 按察司分司

俱在縣治西福寧道在儒學北府館在察院西石梁焦山巡檢司在縣東南十五都舊在梅花所松下巡檢司在十都大社小社山巡檢司在十八都龍江稅課司在縣治西長樂倉在縣東二十四都梅花所丞廳在廳事卽縣舊廨勸農亭在縣西南山之陽皇華駐節亭在縣西門外永宣橋北

福清縣

福清縣志卷之三 福清

海防同知署在平潭舊縣丞署清嘉慶二年以建瓯府同知改駐同知張均增建三堂道光三年同知王德厚領帑修

知縣署在鷺峯山麓唐嗣聖間建縣號數易廳治不改宋熙寧三年崔宋臣爲令大新之元元貞二年升爲州州尹毋逢辰重建明洪武四年仍改爲縣成化三年知縣余泰建正廳幕廳二十一年知縣龐璇建儀門後堂及庫房廨舍弘治十五年知縣况璟闢而新之嘉靖三十七年燬於倭四十五年知縣葉夢熊重建清康熙間知縣鍾芝之豫乾隆間知縣饒安鼎修舊有志喜堂宋邑令章伯奮建龔瑞堂琴清堂雙桂堂俱邑令范處義建三思齋益齋俱邑令曹績建懋亭邑令李宗思建愛山堂邑令邊應祥建蜀香亭宋時建朝旌堂元泰定間達魯花赤忽荅沙建知州吳濤書龔瑞芝堂舊爲近民堂元知州王庚更今名

縣丞署在南日澳清嘉慶二年以平潭縣丞移駐典史署在縣內左

福清場鹽課大使署 江陰團鹽課大使署 福興場鹽課大使署在巖

頭村福興寺清嘉慶十七年新設

鎮守海壇總兵署 中軍左營遊擊署 中軍守備署 中軍右營遊擊

署 中軍守備署(俱在海壇)

長福營參將署(在縣城內左軍守備署在鎮東城內)

廢署附

宋丞廳 王簿廳 尉廳(俱在縣治內)

明察院衙(在縣西報功祠左)布政司分司(在縣治東南舊為際畱倉)按

察司分司(在縣西)福寧道(在縣治西南)元捕盜司(府館在縣治西隅)牛

頭門巡檢司(在縣東南平南里嶺前元至正閒置於逕江名逕江巡檢

司)澤朗山巡檢司(在縣東化北里元至元閒置於練門名練門巡檢司

錦屏巡檢司(在縣東南平南里舊為牛頭巡檢司)壁頭巡檢司(在江陰

里)洪武十二年建)逕上稅課司(在靈得里)南門稅課司(在龍首橋北海

口稅課司 海口鹽課司(俱在方民里)牛田鹽課司(在時和里)

鎮東衛指揮使司在方民新安二里間鎮東城內

連江縣

知縣署在縣治之中建於唐武德閒邑令趙炎重建於宋治平四年元至正六年燬於寇明洪武元年知縣王德欽重建扁其正堂曰新民後堂曰明德嘉靖閒知縣陳賢袁鑑隆慶閒知縣朱應辰重修清順治九年知縣齊象先建大堂後燬康熙十八年知縣徐甲第創新之二十二年知縣閔達闢隙地雍正五年水圯知縣劉良璧修乾隆二年圯於風知縣戚崧言修嘉慶七年知縣李萃修舊有勸農亭宋政和令鄭事道建聽訟堂在廳事東宋令黃詠建勅書樓紹興閒邑令方俛建慈慶堂在廳事東紹興閒邑令葉猗建惠悅堂在廳事右圃中慶元庚申令趙善謚建介社堂在正廳左友梅堂雷遠堂瑞蓮堂在小廳前皆宋時建清安堂元至元閒邑令董政建觀稼亭在縣治後明洪武間李鳳構成化閒林鴻修

典史署在城隍廟後

北楚巡檢司署(在東岱保演宮後)

連江營遊擊署(在縣治北原署定海守備署在大東門井衛原署東岱山內廢署附)

宋丞廳(在縣治西南隅簿廳(在縣治西尉廳(在縣治東南隅)

明布政司分司(在縣治西福寧道左舊在欽平上里按察司分司(在譙樓西卽福寧道分司署福寧道(在縣治西府館(在縣治西欽平上里舊爲布政分司稅課局(在縣治西欽平上里通濟橋)定海倉(在縣東定海千戶所惠民局(在縣治前宣化坊橋南)

羅源縣

知縣署在鳳山之陽戴坑東舊在縣西隅宋慶曆八年邑令陳偁建建炎二年寇燬邑令吳確重建元至治元年王簿劉秉仁復新之明洪武十年縣丞龐益建廳解二十五年縣丞甘志和重葺成化閒知縣施宏陳瓊先後改建弘治十六年知縣徐珪闢東西路譙樓前建旌善申明二亭嘉靖

十三年知縣馬進建正廳崇禎十四年知縣章簡重建一新清順治間知縣陳欽如修乾隆間知縣劉逢甲重建書有手詔亭班春亭同樂亭寅賓亭堯民亭盍簪亭采日亭豐和堂讀書樓俱宋紹興間邑令陳文建景震堂明弘治間邑令徐珪建典史署在縣門左

羅源營遊擊署在縣治篤行坊守備署在縣治登賢坊後改建篤行舖西門教場在西門外社稷壇右軍器庫在篤行舖馬房衝火藥庫在北門山腰廢署附

宋簿廳舊寓水陸寺後卽是建廳事尉廳在縣西

明布政司分司在縣治西衮繡坊內舊爲稅課局按察司分司在布政分司左福寧道在縣西衮繡坊府館在城隍廟西南灣巡檢司在縣東北招賢里稅務在縣治衮繡坊

古田縣

知縣署在翠屏山南雙溪之匯唐開元間建宋太平興國初遷水口端拱
間復舊元至大二年達魯花赤木薛修至正十六年達魯花赤刺會薩重
修明洪武三年知縣韓秉嘉建廨舍嘉靖間知縣徐建葺穿堂後令劉日
暘建儀門清因之清道光四年知縣胡效曾以縣署漸圯請借廉修葺舊
有靜軒舫齋陽春亭飛鳥堂俱在便坐廳事旁宋宣和二年建 隱吏堂
紹興間邑令郭昭中建 不欺齋在廳事東乾道初邑令楊汝南建 戴
星樓在西廳左平沙樓在西廳右俱宋時建 知本堂以正亭俱元至大
初達魯花赤木薛重建晚對樓在治內東明邑令楊德周建
縣丞署在縣南一都清雍正八年裁水口驛丞卽以縣丞移駐典史署在縣
治內西南

廢署附

宋簿廳在縣署側尉廳在縣東南復置西尉建治教場間

明布政司分司在縣治北文登坊內按察司分司在縣治西福寧道在

縣治西鹽運分司(在一都)府館(在布政分司)西溪巡檢司(在縣之西溪谷口巡檢司(在縣西南)一都谷口)杉洋巡檢司(在縣東三十六都監水口鎮衙(在水口)水口務(宋時置巡轄鋪廳(在水口)捕盜館(在杉洋今作協防公署遞運所(在黃田驛旁)

屏南縣

知縣署在雙溪清雍正十二年新設時古田縣知縣朱岳楷兼攝起建知縣馬綸華接理未竟乾隆元年知縣沈鐘成之嘉慶十年知縣張映斗增修典史署(在儀門內大堂西)

閩清縣

知縣署在梅溪南里許五代梁時建宋大中祥符初史溫爲令不一歲稱治民大悅之大姓乃鳩財願葺公宇熙寧元年霖雨洊作山谷百水爭出大江復漲溢官舍蕩然有僧遠思等百十餘人以住院遺積請任其役時令徐絳也淳熙淳祐寶祐閒屢燬邑令朱榮胡持陳伋先後建明洪武九

年主簿鄭本構廳宇及譙樓正統十三年燬於兵景泰元年知縣余禎權構小屋莅政天順七年典史余銘建縣廨成化閒知縣左輔黃滄相繼增葺嘉靖閒知縣彭珥增拓之萬曆三十七年水圯知縣余咨龍移建於後百武(林材記)清順治初燬於火乾隆二年知縣孫國柱重建規制一新舊有勅書樓勵俗臺無惑齋退食閣將歸樓北堂亭星徽亭波心亭俱宋大中祥符閒建 南昌閣在鼓樓門右 觀風樓在廳事北明洪武初主簿鄭瑄建正統閒邑令左輔更新之

典史署(在縣堂西)

廢署附

朱丞廳(在縣治西)簿廳(在縣南舊驛地)尉廳(在丞廳西)

明福寧道(在縣治東)府館(在縣治南)青窰巡檢司(在安仁里)元時建稅務(在縣南濱)元時建

永福縣

知縣署在磨笄山南建自宋初建炎三年邑令陳炎立縣宇紹興閒令王禹同葉秉彝補葺規制乃備宋末復燬於兵元至元六年達魯花赤扈全重建明洪武閒又燬草創視事弘治閒知縣譚顯修正德五年知縣鄭信築垣墉蓋廨宇改道路於東南移民居於西北隆慶閒又燬知縣陳克侯復建明末燬於寇清康熙六年知縣李景明重建舊有勅書樓宋蔣楠有記 戴星樓熙寧閒邑令沈亞夫建 虛心堂在廳事東慶元閒邑令嚴顏建 紫薇堂淳熙閒建 自公齋慶元初邑令顏澈建 思政軒讀書軒邑令董漁建 學愛堂美錦堂浮香室野意亭絜矩齋桂林亭無訟齋俱在縣治內

典史署在縣治內東偏

深門巡檢司署在嵩口宋建於辜嶺名辜嶺寨

廢署附

宋丞廳在治鼓門內東簿廳在治東隅尉廳在治鼓門內西

明福寧道在治西府館在治東惠民縣后在治南

福建公署志卷二

興化府 莆田縣

知府署在城西南宣化坊卽莆田縣署舊址宋興化軍初治游洋鎮太平
興國八年從漕使楊克讓請徙莆田縣知軍段鵬始建軍署在禮義坊北
以都巡檢解爲之官和二年知軍廖剛重修元爲興化路總管署至治元
年總管阿魯威建正廳明洪武初改爲興化府署已而指揮俞良輔盧鎮
請以府署立衛所從之於是知府蓋天麟徙莆田縣署於善俗坊而以其
地建今署焉天順元年知府潘本愚重建中堂易以石柱闕前通衢而大
之嘉靖四十一年倭燬郡人御史林潤奏給帑銀四十四年知府易道談
重建萬曆二年知府呂一靜以門前曠闊非宜將大門移出丈餘兩邊地
築稍高門外添設障垣三十九年知府馬夢吉修清康熙四十一年知府
徐希聖重修舊有儒雅堂舊郡治小廳也宋天聖閒知軍李餘慶建隆興
初郡守劉韞更名平理乾道閒郡守何俛復舊名 正己齋在儒雅堂之

西廡舊名學古郡守潘疇更名自隸額一靖其亭在舊郡治小廳後天聖
閒郡守李餘慶建名式宴淳熙閒郡守潘疇更曰北窗後守朱端學改今
名三瑞堂天聖閒郡守李餘慶建紹興閒有五色雀集於廳事榕樹上
芝草產後圃麥秀兩歧知軍陸渙榜爲三瑞堂明爲興化衛署桂籍堂
崇寧閒郡守郭重建勒石紀之至道以後郡進士題名置堂上軍學教授
胡份爲序宣和閒郡守廖剛立石續紀和簡堂紹興初郡守趙彥勵建
堂之後曰思無邪齋望壺樓在舊郡治內紹興閒郡守韓彬建樓面壺
山故名壺山堂在郡圃內初名望山亭郡守陸渙更名五芝亭林光朝
有記流觴臺見遠臺俱在壺山堂後乾道閒郡守張允蹈建扶春館
在舊郡治宅堂後舊以醑醑名翠香亭乾道閒郡守張允蹈更今名後廠
一軒北嚮曰山人方丈致爽軒在郡治內卽舊縣治宋知縣元伯涇建
嘉木亭在舊縣治後圃圃有古木宋知縣邱鐸因以名亭流化堂宋
通判莊革名志善堂通判周必達以善雨名望壺臺強爲善齋俱周必

達建在舊通判廳內

通判署在府署內西舊由府儀門內出入清康熙十七年改從寅賓館右
逕趨大門督糧館在大有倉內通判治事之署乾隆五十六年通判李維
梅借帑修

經歷署在舊同知署之東偏司獄署舊在衛署之左務巷口明正德丁丑
知府馮馴移入府署大門內東與土神祠相對

知縣署在左廂善俗坊宋廣節指揮營故址也舊在府城西南隅元和郡
縣志陳光大二年始置莆田縣於延陵里卽今右廂朱建隆二年清源招
討使判縣事劉君道始新之天禧初知縣嚴已慶曆間知縣張緯相繼創
修元至正十二年縣尹董禿堅帖木兒重修明洪武三年改爲府治知縣
任益遂徙建今所宣德十年縣丞葉叔文關吏舍景泰元年知縣劉坻建
穿堂天順六年知縣王常修正堂嘉靖十年知縣王鉅掃路南坊曰文獻
名邦四十一年倭燬四十四年知縣徐執策奉帑建如制清康熙間知縣

金臯謝重建乾隆十一年知縣周世紀建東吏舍十七年知縣王文昭修大門樓

縣丞署在平海城卽舊衙指揮署舊木貼堂縣丞清乾隆三十三年改縣典史署在縣東丞衙之南西向

涵江巡檢司署在涵江順治間設舊轄沖池嵌頭迎仙寨沿海巡檢司署在江口凌洋巡檢司署舊名凌厝司因大洋奉裁兼轄始爲凌洋司宋時署在紫芝卽吉蓼也

莆田場鹽大使署在涵江上里場鹽大使署在東嶠下里場鹽大使署在前江

督學試院在驛前街分巡興泉道西巡海道舊署清乾隆二十二年紳士捐貲請於知府宮兆麟莆田縣王恒仙遊縣賈凝吉就試院西偏買地添建宮兆麟記清嘉慶十年知府多托禮知縣黃甲元因考棚圯壞商之邑紳鄭遠芳命其弟之子綬書獨力重建邵自昌記綬書弟綬訓捐貲添設

几櫬合東西共棚五楹

城守營副將署在西市街卽分守福寧道署宋監稅厚營址左營都司署在城內烏石山下演武場西舊爲遊擊署清乾隆二十一年遊擊缺裁改爲都司署右營守備署在左營都司署東

教場二所一在城內烏石山下一在城北四里使華橋北火藥局在烏石山下

廢署附

宋司理院在譙門外通衢西司法廳在善俗坊新路東丞廳在舊縣門西偏卽今府治內簿廳在舊縣門內東偏尉司在舊寧道門外教場弓手營翼於東西巡轄廨在望京門外巡檢廨在迎仙市巡鹽廨在縣東南新安里繫蓼澳監鹽倉廨在延壽里涵頭舊貢院在府治東每三歲詔各郡舉進士乾道閒知軍何傅議創於使者行部之舍卽此地也後移南山廣化寺土病其遠淳熙閒知軍姚康朝因行舍舊址斥而大之

陳俊卿有記院外爲龍門坊今雖廢猶名其地爲龍門云

威果指揮營在軍教場西隸侍衛步軍司廣節指揮營在子城東壁不

教關保節二十四指揮營在朝天坊內二十五指揮營在摧秀坊內壯

城指揮營在清肅門外牢城指揮營在望海門內義海坊通衢之北

明布政司分司在府治東西市宋爲鹽稅廳舍福寧道在府治東北澄

清坊西宋軍治通判廳元初爲廉訪司分司明初更爲按察司分司承

樂開改今名正統開巡按駐此道署移尋前街後改爲分巡興泉道都

轉運鹽使司分司在府城北延壽里涵頭青山巡檢司在奉谷里小嶼

巡檢司在禮泉里吉了巡檢司在新安里雜造島在府治東同升坊古

延福寺地

興化衛指揮使司在府治東北講樓內之西舊興化軍治平海衛指揮

使司在衛城中

知縣曾在大飛山南五里唐聖曆二年始建宋崇寧二年邑令錢聞重建
淳祐間邑令趙時鑄建正廳元至正十二年燬於寇十五年縣尹任與即
故址重建明洪武初山寇焚蕩知縣周從善修葺三十五年知縣張清勝
正廳宣德八年知縣王彝即正廳改建之林文記正統十二年知縣宋華
建後堂成化九年知縣黃燦修建一新萬曆四年知縣胡朝實修平政堂
新設平理門於大門外十八年知縣周鐸重建正堂後堂內衙及吏舍陳
經邦記清順治五年寇燬康熙九年知縣盧學儔因舊址重建十七年知
縣崔岷修儀門及吏舍二十三年知縣程景弼修川堂雍正間知縣汪廷
英修內署乾隆二年知縣李永書八年知縣吳炯十四年知縣陳興詐相
繼真舊有恩波亭在治西舊西塘之測塘久侵塞宋乾道間邑令趙公綱
濬爲放生池作亭其上是歲瑞蓮花開因名亭曰瑞蓮淳祐間邑令蔡次
傳易今名 道愛堂在治廳事西嘉定間邑令許伯誦寶祐間邑令趙與
泌建又有望秀樓 平政堂在廳事後平易堂在平政堂後舊名清心軒

又名捐末後改名五柳俱嘉興開邑令姚遇重建 愛香亭在治東園循
愛香逕而北有亭二曰橫琴曰製美循製美而南有臺二曰清越曰玉照
皆宋時建所謂東園卽舊梅園也

典史署在縣治西偏

風亭巡檢司兼驛丞署在縣南連江里清雍正十三年設興泰里巡檢司
署在縣東北古興化縣來蘇里清雍正十三年復設

興化右營都司署在縣治東街舊爲布政司分司清康熙五十一年改建
遊擊署乾隆二十一年改駐都司


迎春亭在朝京門外唐爲迎賓亭

廢署附

宋丞廳在縣南二十五步舊爲仙溪館舊廳在縣治西偏今爲典史廡
廡之左右有齋樓亭樂香亭舊名高士矮屋俱宋主簿林爲建後改今
名爲三在縣西北隅廳之東有大隱樓舊名見山又前有南軒西有梅

林軒北有思賢堂縣尉黃巖孫爲記堂前舊有熙春臺臺北有瓊秀亭
郡人陳宓書扁

明布政司分司(在縣治東功建里初爲課稅局)福寧道(在縣治東功建
里舊爲按察分司)白嶺巡檢司在白隔嶺後改建善化里)稅務在縣東
興化縣署在興泰里萬山之中本唐游洋鎮宋改爲縣



福建公署志卷三

泉州府 晉江縣

知府署在行春門內故在衙城按府志在雙門前正北明洪武元年改爲
衛治二年知府常性改建今所卽晉江學地及風雲雷雨壇州故址也中
爲正堂曰端本又後爲敬事堂再後爲福祿堂永樂十七年正堂及右廊
儀門火宣德六年推官董敬重建正統十一年知府熊尙初重建右廊及
儀門治內有宴息堂嘉靖三十七年知府熊汝達改爲仰真取景仰宋守
真德秀之意清康熙五十年大堂就圯知府劉佩重修乾隆二十六年大
堂西又圯署知府嘉謨重修舊有雲榭在舊州治內宋節度使陳洪進建
中獻堂在舊州治內以韓魏公琦生此得名後人易以清暑郡守王十
朋仍其舊 中和堂在舊州治內初名愛松 安靜堂郡守蔡襄作嘗於
此書荔枝譜襄孫樸繼守重書額 北樓在州治後卽唐歐陽詹所記者
王十朋重修 二山亭在府治北元祐開郡守陳康民建以對清源雙陽

二山故名淳祐四年郡守顏頤仲重建 志喜亭郡守倪思建 宣化堂

在治後堂後累石爲山有曲水流觴

蚶江通判署（清乾隆四十九年以渡臺水道由蚶江至彰化鹿港最便改福寧府軍糧通判駐此）

經歷署在府堂右司獄署在府治內西偏

知縣署在府治西建自唐開元時相傳舊在州子城之東南宋太平興國七年郡守錢熙移建今所紹熙五年呂令方丞增建元延祐二年王簿孟天祐修明洪武初改府建衛府官斬縣治視事縣門轉西而出知府常性易民居爲縣門以臨通衢及府治成知縣韓居庸迺繕葺復故成化六年知縣蔣濬重建清康熙五十四年知縣王夢說修雍正閒知縣葉祖烈王之琦相繼修葺

縣丞署舊駐石獅清乾隆二十五年移駐安海卽舊督糧通判署典史署在縣治東

鷓鴣巡檢司署舊為祥芝司在縣東十六都清康熙閒改駐三十八都雄陽巡檢司署舊為深滬司在縣東十六都清康熙閒改駐三十八都潯美場鹽課大使署在砂兜

督學試院在府城集賢鋪卽興泉道舊署宋初試士於類宮乾道五年郡守王十朋始以部使者館為貢院在肅清門外嘉泰閒郡守倪思嘉定閒郡守真德秀皆嘗增建元至正十七年改為清源站明洪武九年改為晉安驛復借府學明倫堂為考棚清乾隆四年知府王廷諍知縣李永書改建今所廷諍自為記十九年知縣于從濂拓號所嘉慶十年邑人王敦仁黃清和林文時王日曜等公捐重修

陸路提督署在雲山鋪雙門內正北本明泉州衛及察院諸行署地清順治初提督趙國祚康熙閒提督楊捷張雲翼增建雍正六年提督石雲倬重修

中營參將署在勝果鋪大溝墘守備署在行春鋪相公巷舊分駐安溪徐

州墟清雍正八年改駐

左營遊擊署在勝果鋪湖坦守備署在勝果鋪虎頭山街

右營遊擊署在清源鋪上街陳街口又有駐署在永寧衛清乾隆七年建守備署在盛賢鋪彩橋下

前營遊擊署在勝果鋪廣平倉左守備署在鎮撫司街又有分駐署在惠安縣

後營遊擊署在勝果鋪東門溝墘守備署在勝果鋪廣平倉左

城守營參將署在曾井鋪花棚下都司署在安海汛守備署在奉聖鋪西門城街

提督本標五營教場一在府城東一在府城西卽明泉州衛教場又

中營駐防安溪縣把總演武場在縣治南又右營駐劄晉江永寧衛遊擊演武場在衛城西門外又前營駐防惠安縣守備演武場在南門外五營軍器庫俱在各營守備署內城守營演武場與提標同又一在參將署後

又駐防晉江安海汎都司演武場在北門埔駐防南安縣千總演武場在南門外軍器庫在守備署左

仁風亭在仁風門外爲迎接詔勅立

廢署附

唐六曹新都堂署卽司功司戶司倉司法司兵司田六參軍廳也在舊州治前左右歐陽詹有記

宋通判署名督糧館在舊州治內西有清白堂天聖初向綜爲別駕范文正送以詩綜摘詩中二字名添差通判廳在譙樓門內東節度推官廳在州治西譙樓門右有納涼軒下瞰蓮塘淳祐閒林希逸額曰水木清华元改爲總鎮撫所觀察推官廳在州治儀門西明爲道署僉事判官廳架閣庫舊地錄事參軍廳在州治西司理參軍廳卽清源驛改爲之舊在子域內後徙肅清門外司戶參軍廳在州治側司法參軍廳在州儀門側丞廳在縣治東簿廳在縣治西紹興閒趙時衿建西廳額曰

覽輝尉廳在仁風門外三里有冷然臺對藝四松淳祐閒王洵創東廳
扁曰清風佐琴南外宗正司在肅清門外本都監廨後改行衙建炎閒
爲司有懲勸所自新齋芙蓉堂及天寶池睦宗院在州西南襲魁坊嘉
泰閒郡守倪思以其狹隘別創於西北居賢坊是謂新睦宗院宗學在
舊睦宗院東紹興初建中有宣聖廟置堂曰彰化齋有三曰宗強曰信
厚曰立愛嘉定閒更堂曰崇教增齋一曰懷德更信厚曰升賢齋有長
論皆以宗姓講書教諭則以庶姓又有清源書院在睦宗院內知宗希
袞所建堂曰習說齋四曰浚明嚴尊忠恕愛敬明時其地入清果菩薩
一寺教授廳東有溫和室西有儒隱堂堂之前有萬卷樓下瞰泮池淳
祐閒蕭黜建都稅務在鎮雅坊街東熙寧閒建嘉定閒郡守真德秀移
於浯浦天妃宮前元移建塘市改名晉江務明洪武閒復移於宋都稅
務舊地改名稅課司市舶提舉司在府治南水仙門內舊市舶務址有
清芬亭元祐初置明成化閒移福州舊貢院在府治西肅清門內乾道

以前皆試士於類宮是歲郡守王十朋始以部使者館爲貢院嘉泰嘉定開屢有增建中有從事堂棧文館萬桂堂一華坊嘉賓亭狀元井元至正十七年改爲清源站明洪武九年改爲晉安驛

兵馬都監廳(在舊肅清門外)嘉定開郡守宋鈞改行衙乃移建於舊都教場殿前左翼軍統制廳(在府城東)三十九都

元總管府(卽宋州治)前有譙樓總管僕玉立修都轉運鹽分司(在肅清門外)卽宋添差通判廳脫脫木孫衙(在府治西)忠厚坊至元開建以司譏察非常石井鎮巡檢司(在府城南)八都安海市港邊巡檢司(在府城南)二十都潯泮管勾司(在縣東南)至正開置明洪武開改爲場雜造局(在府治東)卽宋廢提舉司故址

左副新刷土軍萬戶府(至元開)立營建署於州之後門萬戶赤千遷建泉山門外

明察院行署(在泉州舊西舊城隍廟之左)御史行部及都御史巡歷督

學考校皆駐此布政分司行署在泉州衛西舊東倉庫址先建於府治
東南集賢坊內成化間改建後改爲清軍館按察分司行署在泉州衛
東舊爲軍器局地興泉道署在察院東宋觀察推官廳稅課司在府治
南鎮雅坊外街之左卽宋都稅務圍頭巡檢司在府城南十四五都宋
時爲寶蓋寨洪武開以永春陳巖司移駐後又改駐二十七都洋埭庵
上爲庵上巡檢司烏潯巡檢司在十六都烏潯山洪武開以安溪大西
坑司移駐兩洲場鹽課司在府城東南十一都通判廳在府署右內有
一寄軒陳琛有記推官廳名理刑館在通判廳西檢校廳在府署東知
事廳在府署西照磨所在府署西卽舊推官廳司獄司在譙樓內東北
仍宋舊也明移府治內河泊所舊在縣東南法石市洪武開設嘉靖開
移於城內萼輝鋪市船務在府城南鎮南門外稅務在府城南二十五
都塘市織染局在府治西忠厚坊內來遠驛在府城南車橋村後移福
州

泉州衛指揮使司(卽宋州治)永寧衛指揮使司(在縣東南二十都宋爲水澳寨元改爲永寧寨洪武閒江夏侯周德興建)

南安縣

知縣署在蓮花峯南晉太康初建梁天監閒爲郡治隋開皇閒爲縣治署皆無可考宋大中祥符閒建今所紹興嘉定閒邑令邱之立張端方阜周相繼修治縣門舊扁宣和書學博士徐兢篆元至元二十三年毀於兵至大三年遷於郡城西至治二年復舊所至正閒火縣尹常瓚李宗閔稍修葺之而民苦寇兵縣僚吏圖便於承上寄治郡城隍神祠分省右丞馬麻迺命再作之明洪武閒知縣王罕永樂閒知縣余慶天順初知縣鄒璉繼葺嘉靖三十七年倭燬三十九年知縣夏汝礪重建萬曆二十年知縣蔣如京闕儀門前地建大門塞東西二龍鬚巷清順治十一年燬十三年知縣祖澤茂重建康熙五十年知縣李承祖修大堂乾隆二十五年知縣成城四十二年知縣姚任道相繼修葺有雪堂致來堂宋李訖權縣題雪堂

詩曰幸有西山橫爽氣品題留與箇中人西山縣中山也後令李文伯用其語更名曰致爽 黃花境界在治內有樓三間西挹姜秦之峯扁曰黃花境界蓋取王文忠九日山思古堂詩黃華境界無人識堂在煙霞縹緲中之語

縣丞署在十七都羅溪清雍正十二年移駐典史署在縣治西

康店鎮巡檢司署在大盈公館側東毗

蓮河場鹽課大使署在四十六都營前鄉清嘉慶三年山祥豐場分出

泉州城守營都司署在縣北十九都洪瀨街清嘉慶二年以延平協右營都司移駐六年建

演武廳在縣南鴛鴦浦

廢署附

宋丞廳在治東紹興間陳安國建內有寒碧軒高梧軒績文齋宣和間張豸立簿廳在治東舊有寄隱堂冷香亭西齋尉廳在治門內東北甲

杖庫閱武亭皆在廳側其右爲景仙堂安靖堂豫軒清嘯軒石井巡檢司在縣西四十都下坊村

元瀘溪巡檢司在瀘溪橋舊爲都巡寨稅務在縣東二都鵬溪

明興泉道行署在縣治儀門左澳頭巡檢司在縣西十一都

惠安縣

知縣署在絃歌鋪螺山之陽宋太平興國六年建元季燬於兵明洪武四年知縣時汝楫重建宣德正統閒知縣高顯閉禎相繼葺治成化十九年知縣張桓修建一新虞坤記天啓二年知縣繆伯昇崇禎十二年知縣李沾繼葺清順治十一年燬於寇知縣楊鶴齡新之康熙十七年復燬知縣胡雲龍重建雍正七年知縣韓從王修乾隆三十二年大堂圯知縣馬准鼎建舊有鳴皋堂在治左宋邑令李侯來嘗攜一鶴隨行侯莅斯堂與士友相較古今鶴侍其旁時或一鳴聲徹雲表因名見梅亭在治內邑令陳執中以父廕來任清謹自持門無私謁邑人愛之爲作見梅亭石盤

亭在治右明成化間邑令張桓重建 滬美在廳事之東 中庸堂歲寒

堂瑞藻堂俱在治內

典史署在譙樓左

良興巡檢司署在良興鋪

惠安場鹽大使署在青山鋪門頭

提標前營守備署在登庸鋪

廢署附

宋丞廳在縣治左舊有堂扁曰西爽再修扁曰靜簡又有西亭在廳事後簿廳初在縣門外後乃遷於皇華驛東之雙荔亭尉廳在縣門外西廳陰有池作亭二南曰四美北曰望雲

明察院行署在治左布政分司行署在治左賓賢坊右按察司分司署在布政分司前即宋皇華驛興泉道行署在治左府館在龍津橋南舊縣治在縣北六都龍窟嶺下峯尾巡檢司在縣北八都洪武開由八

沙格移設添嶺巡檢司在縣北十三都嶺窟巡檢司在縣南二十二都
洪武閒由南安縣蘆溪徙此番崎巡檢司在縣東南三十二都洪武閒
由德化縣清泰里徙此小岞巡檢司在縣東三十都洪武閒自二十七
都小兜徙此稅務在治北壯猷坊內

同安縣

興泉永道署在縣東南廈門城北門外清雍正二年自府城移駐乾隆五
十九年巡道德泰修道光二年巡道倪琇修

廈門分防同知署在廈門港清康熙二十五年從府署左移建乾隆十七
年署同知白瀛重修

知縣署在葫蘆山前左首五代唐天成四年創建宋大中祥符間邑令宋
若水修堂初扁祐賢朱子改為清心後扁教愛川堂後有六吾堂書張子
西銘於屏閒元至元閒縣尹蘇進明修建明宣德十年知縣張琦成化九
年知縣張遜相繼葺清順治間燬於寇康熙元年知縣卞世珍始建大堂

十八年復燬知縣金振麟蓋茅堂三十一年知縣馮俞昌建穿堂吏舍四
十一年署知縣徐之霖重建大堂易茅為瓦四十二年知縣路松年四十
六年知縣蔣沛五十二年知縣朱奇珍先後修建雍正十一年圯於水乾
隆初知縣唐孝本周岱相繼重建中有鳴琴廳在堂後旋更樂只 寅賓
館在儀門左 拱秀樓即譙樓在土地祠南 旌善亭在拱秀樓左 申
明亭在拱秀樓右

典史署在縣治西原在縣治東

灌口巡檢司署在灌口即縣丞署清乾隆四十四年以晉江縣浦邊巡檢
改駐石滸巡檢司署兼廈門司獄在廈門港

澗臺水師提督署在廈門城清康熙二十四年將軍靖海侯施琅建署後
為來同別墅有涵園足觀堂青礪亭介亭旭齋醉月軒指昇軒羅浮軒諸
勝最北有亭跨北城為城中最高處可以望遠

陸路同安營城守參將署在縣城東市清道光十年參將達洪阿重修都

司署在灌口寨仔內中軍守備營在縣城小葫蘆山前

水師提標中營參將署在廈門城內左營守備署在廈門洪本部渡頭

水師提標右營遊擊署 守備署俱在廈門附寨社

水師提標前營遊擊署在廈門孤鳳社守備署在廈門港

水師提標後營遊擊署在廈門附寨社守備署在廈門港

水師提督教場在南普陀寺前本標五營同中營軍器庫 右營軍器庫

後營軍器庫俱在廈門城北門左營軍器庫在廈門城內西庵宮邊前
營軍器庫在城隍廟右城守營參將演武場在朝元門內軍器庫在守備
署右

通判署在馬巷清乾隆四十年建前三十一年自晉江縣安海移駐金門

四十年復自金門移駐馬巷於此 照磨署在馬巷原駐踏石巡檢清乾隆

四十年移通判駐此將踏石巡檢改爲照磨

縣丞署在金門後浦清乾隆二十一年移駐灌口四十五年仍舊駐此

劉五店巡檢署在劉五店

浯洲場鹽大使署在翔風里陽田保清乾隆八年就踏石司廢宇重修祥豐場鹽大使署在翔風里澳頭

金門總兵署在浯洲嶼後浦清康熙間總兵官陳龍改建中爲正堂爲儀門左右爲鼓吹亭南爲轅門轅門外爲將裨官廳後爲內署東爲東花廳羣房西爲西園幕廳

水師鎮標左營遊擊署 守備署俱在翔風里後浦

水師鎮標右營遊擊署 守備署俱在翔風里後浦 謹按司冊清道光十年遊擊守備輪流駐防漳浦縣井尾汛隘口亦有行署

金門總兵教場在後浦社東南本標左右營同左營軍器庫在後浦西右營軍器庫在後浦西南

廢署附

宋承廳在治左有堂曰簡靜後名省齋後圍有亭名貯清鐘磬在治右

紹興間朱子爲縣主簿廳事西北有一軒署之曰高士軒朱子自爲記
廳在東門外直縣治正北其後有梅齋門之外有秀野亭前爲教場有堂
名整暇

明察院行署在治東布政司分司行署在治西大輪驛左按察司分司
行署在治東舊爲惠民藥局興泉道署在治東海道行署在中左所西
門外府館在察院右海防館在中左所城西門內高浦巡檢司 塔頭
巡檢司俱在縣南二十二都田浦巡檢司 陳坑巡檢司俱在十八都
浯洲嶼峯上巡檢司舊在十八都後改下店官澳巡檢司在十七都烈
嶼巡檢司在二十都以上七司洪武二十年建亭溪巡檢司在縣西十
三都澳頭巡檢司在縣西十一都以上二司正統間設稅課局在縣西
桂林坊內

安溪縣

知縣署在鳳山之陽舊爲小溪場南唐保大三年詹敦仁爲場長請縣之
福建安溪縣志

名曰清溪始建署焉詹敦仁記宋宣和三年改名安溪紹興二十三年邑令韋能惠重建紹興五年令孫昭先嘉定間令陳宓嘉熙間令黃堅叟徐克濟記淳熙間令趙琰夫相繼修建元至元間縣尹何克明修明洪武間知縣侯士舉修正統間知縣潘靖繼修十四年燬於寇景泰間土官巡檢李森捐貲建正廳天順成化間知縣楊紀方汝榮建後堂吏舍典史謝日新建幕廳嘉靖三十七年燬於寇知縣蔡常毓重建清順治間知縣關宏異重建正堂康熙十二年知縣謝宸荃修道光二年知縣張瀚修吏舍舊有印書局在治大堂之右宋嘉定間陳宓爲令刊司馬溫公書儀唐人詩選於此後令周埭刊西山仁政類編安溪縣志竹溪先生奏議庚戌星厯封事集錄後村先生江西詩選張忠獻帖陳復齋修禊序文房四友王歐書訣等書 道愛堂在廳事西

廢署附

宋丞廳在縣治西簿廳在治西尉廳在治南與丞廳鄰而溪前有新隄

丙有甲杖庫閱武亭東偏有來薰堂西偏有梅隱齋惠民藥局在儀門
丙西嘉定閒令陳宓建

明布政分司行署在縣治東城隍廟左後改建府館興泉道行署在治
東城隍廟右源口渡巡檢司在縣西龍興里

川

心

心

心

福建公署志卷四

漳州府 龍溪縣

萬壽宮在城北隅即通判舊署址清乾隆二十四年知府暴煜知縣陶敦和改建三十七年巡道蔣允焄知府李師牧知縣崔繹增建五十九年大水知縣汪楠馬敦仁柏成何蘭汀先後捐修

汀漳龍道署舊爲巡海道署在府治東明嘉靖九年巡海副使謝汝儀知府陸金郎鎮撫司地拓建十年副使羅英繼而成之鄭岳記萬曆七年巡海道移駐興化府於是分守漳南道移署於此明李鐸記略云洪武二十一年分設福寧建寧二道歲勅一憲臣掌之福興泉漳道隸福寧自東北以次而南建延邵汀道隸建寧自西北以次而南二道所隸惟漳汀極南爲最遠以東西之地各至此而極也掌福寧者巡止漳州掌建寧者巡止汀州二郡之不通如手足之痿痺氣脈之不貫也成化六年順天府治中邱昂奏請添設一道爲漳南道獨益二郡清漳南道改爲分巡汀漳龍道署

仍舊清乾隆二十四年巡道張維寅三十九年巡道蔣允焄五十五年巡道特克慎先後修葺道光二年巡道富呢揚阿領帑重修舊有鎮宣樓在漳南道署內明弘治開建

知府署在府城南唐嗣聖三年始建在漳浦縣梁山之下貞元二年徙於龍溪卽今治也宋制前有雙門冠以樓篆書州額於其上門內有鼓門亦冠以樓其外左爲崇仁門右爲懷恩門嘉泰元年郡守方銓重建鼓樓在崇仁懷恩二門之上其內左爲州治署右爲鈐司署州治門西嚮文東武西同由鼓樓門出元爲總管府明洪武元年知府潘琳重建正統八年知府甘瑛以府之外門偏出奏改關之建外門於當中前立坊曰帥正成化十八年知府姜諒重建正堂及後堂嘉泰元年知府張鵬扁大堂曰牧愛鄭善夫記八年知府陸金修大門二十一年知府顧四科重建儀門三十年大堂頽壞知府盧璧修之三十四年燬三十五年知府曹三賜重建隆慶四年知府羅青霄以大門單薄改建譙樓砌石爲門或以風氣閉塞爲

言萬曆二十三年知府楊惟嶽改仍舊制清順治十二年海寇墮城署廢
暫借民居爲署康熙五年推官王錫琯先建理刑館六年理刑奉裁乃暫
以理刑館爲府署十年知府孫揚始建府大堂及儀門四十九年知府魏
荔彤建大門及吏舍五十二年增建二堂川堂乾隆四十年大堂爲雨壞
知府李維鈺重修五十九年知府金士潮修舊有歲寒堂宋紹興間邑令
陳竑建（玉鶴堂淳熙丁酉州治災郡守趙公綱方度地有白鶴自空而
下翱翔飛舞移時乃去堂成張公徵爲記）（同樂堂慶元間郡守趙伯湯
建扁曰安靜嘉定間郡守趙汝鏞郡守趙以夫建）（平易堂在後圃郡守
方來建取平易近民之義）（中亭在後圃郡守方來建來自爲銘）（交翠
亭在治東郡守方來建又建遠觀銀光清心三亭）（君子亭在治後舊爲
復軒郡守朱熹建後爲月臺臺後爲隱室其象圓覆之以茅環堵穴窗櫺
隨其方刻卦象後廢郡守趙汝鏞卽舊址爲亭扁曰君子）（憩堂郡守方
鈺建堂後鑿池蒔花歲久蕪穢郡守趙汝鏞植柑數百株政暇領客遊賞

不欺堂嘉定開邑令陳士會爲銘曰魯論內省中庸謹獨聖有格言敢
不佩服）瑞蓮堂在同樂堂左端平開郡守趙以夫建）先春亭郡守李
彌遜建）狀元亭郡守陳樸建館其甥曾從龍於此故名

海防通判署駐石碼舊在府署後西偏清乾隆八年移駐於此五十九年
水災通判李廷彩借帑修葺

經歷署在府大堂右

知縣署在城西偏梁天監開建宋淳熙十二年邑令趙不病修嘉定四年
令陳士會紹定四年令蘇應衡增修元因之明洪武初知縣楊保誠扁正
堂曰道愛正統二年知縣顧鴻重建正堂成化五年知縣張寧重建後堂
十五年縣丞吳鵬市民屋增廣吏舍二十三年知縣李棨重修大堂易其
扁曰平政清順治十二年海寇墮城署毀次年知縣董帷僅建後堂一所
康熙二年知縣馬備建大堂十七年知縣魏明德建大門儀門乾隆二年
知縣王裕瓚六年知縣李芬十一年知縣袁本濂先後修葺舊有飛鳥閣

在治左宋紹定閒邑令蘇應衡因舊重建（觀政亭嘉熙閒邑令趙絳夫建甃石爲池）

縣丞署舊在縣署東清乾隆十一年移駐二十五都華封典史署（在縣署西江東巡檢司署在角尾清乾隆三十一年以漳州府倉大使改駐）

石碼場鹽大使署（駐石碼）

督學試院在元妙觀之左原雜造局地明弘治十七年知府汪鳳建爲察院行署萬曆三十一年知府韓擢復改布政司行署爲察院署而此署廢三十七年知府閔夢得改爲雲龍書院旋毀清仍爲行署又爲提學試院清康熙三十年各學士子具呈於二門內起蓋瓦廠爲試棚湫溢不能容則通元妙觀以充之乾隆二十二年圯二十四年巡道張維寅知府余文儀偕七邑紳士重建二十五年知府蔣允焄知縣吳宜燮增建試棚三十一年巡道蔣允焄復買民地拓建

鎮守漳州雲霄等處總兵署在府治北後街

中軍中營遊擊署在府治西協守漳州城守都司署在府治西北正氣街
城守守備署

水師左營遊擊署在石碼鎮城內

教場在西門外軍器局在通判廢署旁

廢署附

宋通判廳在譙門內西中有瑞鵲堂舊名風月宋熙寧九年通判柯述
賑活饑民有二鵲栖其廳事比述去任鵲亦送之淳熙間通判李訖更
名異鵲風月樓開禧間通判雷筠修瑞鵲堂因創樓於其上取平分水
月之意亦佳亭嘉定閒倅黃之傳建又有清心堂小有亭俱寶慶閒倅
黃宦建添差通判廳即舊迎恩驛改建福建路鈐司在府治東即兵馬
監押廳舊地軍事判官廳在懷恩門外西南初在雙門內東紹興閒即
其地爲迎恩驛軍事推官廳在雙門內錄事參軍廳在判官廳左中有
植萱堂紹興閒郡守廖剛建司理參軍廳在司戶廳右司戶參軍廳在

懷恩門外判官廳右司法參軍廳在司理廳右

威果第三十三營在子城東廣節第七營在子城北保節第十營在子城東北第十八營在子城西北第十九營在子城東殿前司左翼軍寨在府城西北

明布政司分司在府治西北丹霞驛右舊在府治西後改爲察院署漳南道在府衛二署之間元廉訪司分司故址後改爲按察司分司府館在舊巡海道署左濠門巡檢司在縣東一二三都柳營江巡檢司在縣東二十七都柳營江西海門社巡檢司在縣南四五都青浦社舊在海門山薊洲稅課局在縣北三十三四都元爲商稅務

漳州衛指揮使司在府治西元新軍萬戶府也後改爲宣慰司都元帥府分府又改爲福建等處行中書省分省又改爲福建江西等處行中書省分省明改爲衛指揮使司

漳浦縣

糧捕同知署駐雲霄清嘉慶三年以漳州府南勝同知改駐卽舊縣丞署
四年同知嵩安以堂屋窄小借廉增建

照磨兼司獄署駐雲霄嘉慶三年以漳浦縣盤陀巡檢改駐

知縣署在縣城中唐開元四年創建景龍開縣令李圭繚以周垣官廨始
不與民居混宋紹興二十三年邑令陳貫通重建淳祐八年邑令楊浩然
拓而新之明洪武初知縣張理重建正統十四年燬於兵景泰初知縣林
瑛建正堂成化七年知縣劉璧續建後堂幕廳弘治閒知縣吳雲修葺之
正德閒知縣胥文相始築崇墉蔽於儀門西嘉靖閒東西吏舍及儀門相
繼災知縣周仲重修清康熙十二年知縣喬甲觀重建大堂扁曰新民乾
隆三十五年知縣于良鈞修內署舊有池亭扁曰水閣宋嘉定閒邑令歐
虞改名淨涼閣後令趙師縉又改爲風露香閣（絃歌堂在廳東偏元符
閒建慶元閒邑令葉才老修才老之子佑甫爲記）

縣丞署在佛曇橋清嘉慶三年以雲霄縣丞移駐車田道光十年以車田

縣丞移駐於此(典史署在縣門內西)

南場鹽大使署(在縣治內)

鎮標左營遊擊署(在縣治內)守備署(在縣治內)清道光十年移駐赤潮

雲霄營遊擊署 守備署(俱在雲霄鎮城內)

漳浦營教場(在城北虎山之原)軍器庫(在南水門)雲霄營教場(在城東)

廢署附

宋丞廳(在縣門內東)簿廳(在縣門內西)尉廳(在府城北環珠門外)

明布政司分司(在縣治東北街舊稅課司地)漳南道分司(在縣治左)府

館(在縣治後臨漳驛右)古雷巡檢司(在縣南九都)洪淡巡檢司(在縣南

五都)後葛巡檢司(在縣東南九都)青山巡檢司(在縣東十五都)井尾

巡檢司 島尾巡檢司(俱在縣東北二十三都)金石巡檢司(元時設於

龍巖縣聚賢里明徙於此)東沈赤山巡檢司(在縣南五都)盤陀嶺巡檢

司(在縣南八都)督捕館(在雲霄驛北)明通判駐此

海澄縣

知縣署明隆慶元年設縣知府唐九德乃就縣民陳甫所捐地創建萬曆
間知縣龍國祿建大門清康熙間知縣陳世儀韓鍾修乾隆十四年知縣
汪家瑛修二堂二十四年知縣陳鏞修內署二十六年知縣王作霖重建
大堂楹柱皆易以石嘉慶十七年知縣曹松篁捐修道光十年知縣沈士
恒詳請興修中有如冰齋在東偏邑令龍國祿建頌曰如冰所自託也
典史署在大門右

海門巡檢司署在青浦社海門山明正統六年設七年盡徙其民處內地
移司於此後移縣北門外

鎮標右營遊擊署在小東門內守備署在南門

水師中營守備署在滄興

教場在東門外軍器局在守備署西火藥局在小東門內

廢署附

宋丞廳(在大堂左)

明濠門巡檢司(在三都高嶼島尾巡檢司(在二十三都漳浦分界處)

鎮海衛指揮使司(在衛城中謹按府志舊屬漳浦清雍正十二年改隸海澄)海防館(在縣治右初爲靖海館)安邊館(在海滄澳萬曆間變鬻民間崇禎令梁兆陽贖還更築爲采風發賑之區及士民講學題曰觀化堂)

南靖縣

知縣署在舊城原儒學址元至治間始建於清寧里九團社後至元三年遷於瑄山之陽至正十六年遷雙溪之北明正統六年典史周鼎重建十四年燬於寇景泰閒王簿卜應麟重修成化十五年知縣張本重建嘉靖元年知縣施祥建譙樓二十九年王簿羅盛修四十年饒寇燬四十二年知縣林挺春重修前後堂次年徙新城將堂宇折蓋新署萬曆二十三年知縣陳宗愈遷復舊城重建於今所清康熙七年知縣白拱薇重建後堂

扁曰思補堂二十七年知縣孟振玉建吏舍五十年知縣劉宗業修雍正四年大堂傾圮知縣彭璋重建乾隆八年知縣姚循義修後堂五十九年水災知縣秦樹緒修道光九年知縣陳泰青捐廉重葺

典史署舊在大堂西南今改建在王簿衙地

和溪巡檢司署管南平驛署原在和溪清乾隆二年移駐水潮永豐巡檢司署在縣北初爲韓婆巡檢司後改今名清乾隆二年移駐山城

漳州中營中軍守備署在鋪下衙教場在東門外習賢里

廢署附

明布政司分司在縣治東漳南道在縣治東後街卽元肅政廉訪司分司府館在縣東第一坊小溪巡檢司在縣南清寧里九龍嶺巡檢司在縣北居仁里

長泰縣

知縣署在羅侯山之南五代南唐保大十四年以武安場爲縣始建邑治

宋淳熙初邑令王孝恭重修紹定五年汀寇燬邑令鄭師申修元至正間復寇燬主簿陳文積更建之明洪武初知縣鄧清修二十年知縣張壽重建正統元年知縣劉奎增建成化十年知縣劉鐸建內署正德十三年知縣朱紘修門堂萬曆九年知縣方應時修吏舍二十八年知縣管橋修大堂扁曰偕春重建儀門清雍正四年大堂棟折乾隆九年知縣張宏緒重建較舊稍狹十一年知縣李得御改復舊制四十七年知縣郭恒臣修舊有嘉靖亭在治前原名宣化宋紹定間邑令趙崇祕修改今名 製錦堂在治西原名遺愛邑令王孝恭改今名 琴堂在治東偏原名德逸邑令邱徵之建嘉定間邑令王孟永因舊址增修改今名并爲記 清安堂在治之宅堂 笑梅軒在琴堂後 覽勝臺在治內北原名小蓬萊邑令趙師申改今名郡守黃朴書 思過軒在治堂後明邑令管橋建 瞻巖亭在治左原名志民邑令鄭思申以其前對天柱山改今名

典史署在縣儀門東

廢署附

宋丞廳 簿廳(俱在縣治右)尉廳(在簿廳右)

明布政司分司(在縣西街漳南道右)漳南道(在縣西街布政司分司左)朝天嶺巡檢司(舊在縣東南欽化里後移朝天嶺側又移溪口)行衙(在縣治南)武安館(在縣治東南)使星館(在縣東)

平和縣

知縣署在邑中區明正德十四年新設時南靖縣知縣施祥兼攝創建大堂額曰親民嘉靖二十二年知縣陳中立徙其廨於東偏後令王立準復建一堂以當宅門曰以臨軒一十七年知縣謝明德修儀門建大門冠以譙樓三十八年知縣姜遂初修舊葺政堂後燬於兵清康熙四年知縣王道光建尊五堂三十三年知縣巫元東重建大堂四十九年知縣郭廷彩建內署乾隆三十七年知縣陸惇宗修中有四明樓邑令胡式鉉建縣丞署在南勝清雍正十三年移駐海防同知嘉慶三年將同知移駐雲

署改爲縣丞署以海澄貼堂縣丞駐此典史署在治堂左

漳汀巡檢司署原小溪巡檢設縣後改爲漳汀巡檢司移駐蘆溪

平和營遊擊署在縣治南門守備署原在府治內清雍正十二年移駐平和縣南勝

教場在西門外

廢署附

明布政司分司在縣治東漳南道在學宮前後改爲教場府館在東門內

詔安縣

知縣署明嘉靖十年設縣時建通判陳賢董其役合漳南道府館故地而爲之二十二年知縣尤敷改建大門二十八年知縣李尙理剷前衢之高而取其羨土以補廡舍之卑於是前平直而後爽塏四十三年知縣梁士楚拓地改建吏舍崇禎七年知縣王政岐重建大堂高三尺前翼以石欄

清順治十二年寇燬十四年知縣歐陽明憲重建大堂及吏舍乾隆十二年知縣姚循義修三十九年知縣楊慰復修嘉慶十年知縣孫廷錦改建川堂舊自有超然樓卽縣門鐘鼓樓明嘉靖間邑令尤敷建萬曆間邑令黃元立重建易今名

典史署在縣大堂西

漳潮分界巡檢司署在縣西二十五里元設在南靖之埔平定南寨明洪武間徙漳浦五都正德間徙置於此後移麻縣城東門內

詔安場鹽課大使署在五都港口

詔安營遊擊署在縣治西關內舊南詔所軍營地守備署在遊擊署後

教場在西門外軍器局在東關內

紅花嶺守備署

銅山營參將署在銅山西門外原爲演武亭守備署在銅山鎮城內

謹

按府志銅山舊屬漳浦清雍正十二年改隸詔安

教場在城西

南澳

鎮守南澳總兵署在南澳鎮城內

左營遊擊署 守備署俱在南澳鎮城內

廢署附

明漳南道在縣治右後改爲團練道府館在縣城北

Faint, illegible text, possibly bleed-through from the reverse side of the page.

福建公署志卷五

延平府 南平縣

延建邵道署在衛治東原武平道行署在府治東明嘉靖三十年僉事黎澄改今所清初設分守建南道駐汀州清康熙六年裁十年設分巡延建邵道駐於此乾隆三十年巡道楊仲興嘉慶八年巡道戴求仁先後修建中有看劍閣清康熙間巡道王道行題額 識山亭巡道陳廷統題額 清暉閣巡道劉冲題額 超然堂翠竹山房清雍正間巡道莊令翼題額 蘭馥齋雲軒攬秀亭俱清乾隆間巡道陳國華修

知府署在城西北隅舊鹽倉場址也宋南劍州治在今府治東元改爲延平路總管府明洪武元年以爲延平衛署三年知府唐鐸遂建於今所扁其正堂曰集思後堂曰高明正德閒燬知府朱應登廖紀先後建嘉靖閒燬知府沈盤彭澄繼修清乾隆十七年知府胡寶琳建大堂二十年知府夏昌二十七年知府傅爾泰修嘉慶九年知府李堯棟修大堂儀門舊有

清心堂平理堂紫氣堂怡顏堂在舊州治左（時清堂在舊州治右）招
衍堂以衍山得名俱宋時建（衍仙堂在舊州治據山之阜溪山環繞有
登覽之勝）（溪山偉觀亭在舊州治內宋真德秀有記）（如心堂黃恭堂
宴清閣垂虹閣俱在府治內）（北園在府治後）
糧捕通判署（在上洋口）

經曆署在府儀門內西司獄署在譙樓內

知縣署在府治東二里許宋元時在府城北隅明洪武二年知縣劉居信
遷建西城外二里許舊貢院址正統十四年燬於寇景泰三年知縣劉銘
重勑成化十五年知縣王佐撤而新之正德三年知縣江良貴以治遠城
外非便請於朝始建今所清康熙閒知縣王紹剛章世德朱夔先後重修
乾隆三十年知縣衛克培增建內署嘉慶閒知縣楊桂森修

縣丞署在峽陽清乾隆十八年移駐典史署在縣內舊丞廳東主簿廳故址
督學試院在府治後東北隅御史臺之前明嘉靖二十七年知府范來賢

建其地卽舊府學明倫堂基因遷學梅山遂建行署以爲學士之所
三十五年知府彭澄重葺之清學政按臨仍駐於此後有四賢堂清康熙
閒知府蕭來賓題額相傳舊時四賢書院卽此地大堂及左右考棚俱如
常制乾隆閒知府胡寶琳南平縣陶敦和重修

城守營副將署在天河邊坊舊在城東南隅後毀廢爲射圃清康熙閒副
將陳棟建今所乾隆二十八年副將李如筠增建

左營都司署在梅山寺坊舊左營守備署清嘉慶十四年守備移駐臺營
艋舺十六年給與都司居之右營守備署在天河邊坊

教場(在東關外)

鷺亭在東門外馬站乃有司迎候上官之處離城五里

廢署附

宋推官廳(在府署大堂東)丞廳 簿廳(俱在縣署大堂東)

廣節營(在田坑廣濟橋內)保節十五營(在招福坊)十六營(在建安明內)

十七營在仰愛堂側牢城營 寧節營俱在府城西登俊坊威果營在府城西北田坑弓兵營在府城將順門外中軍帳在府城西北廣節營後山乃凭高望遠之處郡守張翬建此以爲斥堠

明察院在府治東布政司分司在察院右建南道在布政分司左舊通判廳址大厯巡檢司在府城西北壽巖里稅課司在府城北隅府治前街元爲商稅務西芹稅課局在府城西天竺里王臺館酒務在府治東船場在溪南元妙觀東後爲南園雜造局在延平衛後舊在衛右延平衛指揮使司在府治東宋爲南劍州元爲延平路總管府

順昌縣

知縣署在縣治中儒學之西初爲永順場五代漢乾祐元年南唐升爲縣建治於此宋建炎閒兵燬紹興元年邑令邱之立建元至正三年縣尹魯崇仁重建明洪武三年縣丞楊惟德重修正統閒燬於寇景泰三年知縣錢道寧重建成化閒知縣程搢馮子昌縣丞蔣時萬相繼剏建清順治初

燬於寇七年知縣龔五諤重新之康熙間知縣章廷表孫如龍郭銜先後增葺乾隆十六年知縣陸廣森重建舊有瞻雲亭在治後元至正三年呂令魯崇仁建

縣丞署在仁壽街

廢署附

明察院在縣西布政司分司在縣西建南道在縣治西舊縣尉廳址府館在縣治西弓兵營在縣治西稅課局在縣治西宋爲商稅務仁壽稅課局在縣西北仁壽都

將樂縣

知縣署在含雲山左鍾翠山之麓宋時建元至正二十一年兵燬明年攝縣尹裴彥直重建明洪武三年知縣司明建吏舍永樂十六年正廳後堂燬宣德九年知縣蔣珉建成化二年知縣姚增建後堂後令譚明扁日清心堂弘治閒王溥龍子廉知縣李熙重建熙自撰清心堂記嘉靖三十三

年知縣唐自化修正堂(游居故記)萬曆十三年知縣王士正新前後堂清
順治五年燬於寇六年知縣王建中建十七年知縣李嗣繼之加崇壯焉
康熙間知縣史甲先胡宗鼎乾隆間知縣羅登庸李永錫各有修建嘉慶
十二年二堂三堂燬知縣任逢運重建舊有忠和堂清心堂一鑑亭
典史署(在縣治大堂西)

萬安寨巡檢司兼白蓮驛(在萬安上都)

延平右營守備署(在文昌坊)演武場(在白雲山下)

廢署附

宋縣丞署(在縣大堂東)簿廳(在縣大堂西)弓兵營(在縣城南)

明察院(在縣北大街)布政司分司(在縣南橋門)千戶所(在按察司分司)
在東公廟巷右建南道(在縣治北)稅課局(在縣治左)萬安稅課局(在縣
北萬安上都

沙縣

知縣署在鳳岡山之陽唐武德四年始建在沙源中和四年攝縣令曹朋
崇安鎮將鄧光布以其地阻溪徙建今所宋元因之明洪武二年知縣陳
善重建三十三年燬於寇永樂元年知縣倪俊重建正統十三年復燬於
寇景泰元年知縣余寬建卑陋弗稱成化五年知縣張泰重建一新嘉靖
三年知縣何亦尹增高大堂儀門各三尺鼓樓三層去其一儀門外鑿二
池後令方紹魁作內庫於燕堂之西萬曆十二年知縣袁應文闢縣前路
正屏牆後令徐顯臣重修清康熙十一年知縣謝象超增葺舊有湖山偉
觀樓宋時建 仰高亭在正廳之右明洪武閒建爲官僚遊息之所 宣
詔亭在大門左 頌封亭在大門右 覽輝閣晚對閣集鳳閣借涼閣挹
爽閣西池閣水心亭俱在治內

典史署在縣大堂西偏

北鄉寨巡檢司署在縣北十七都

廢署附

宋丞廳在縣署東簿廳在縣署西

明察院在縣東布政司分司在縣東龍池坊建南道在縣東興義坊府館在布政分司左錢監在縣北三里舊傳爲鑄錢之所商稅務在縣治魁星巷口稅課局在州治南翔鳳橋西

尤溪縣

知縣署在獅山之麓宋紹興三年知縣宋咸建明洪武三年知縣薛昉重建十年知縣張可大平義三十一年知縣黃采相繼修正統十三年燬於寇十四年知縣陳孝軻剏正廳儀門尋復燬於寇景泰五年知縣杜宥重建成化九年知縣孫珏剏吏舍十三年知縣唐綸剏後堂清康熙四年知縣王宗聖增修八年堂壞知縣李埴修嚴自泰記乾隆間知縣吳宜燮焦長發相繼繕葺道光六年知縣張興仁修正堂兩廊儀門舊有韋齋在縣治東偏朱松爲尉時榜其齋以自警宋石鑿跋羅從彥記後吏部朱公尉政和時命其燕居之齋曰韋郡之先儒羅公仲素記之朱子有跋

環

翠閣在縣治左 拱秀樓以毓秀峯環拱於前故名節愛堂俱在縣治右
愛蓮亭忘機亭冷風亭勝概亭野意亭溪月亭俱在縣治內

典史署在縣儀門內東偏卽宋尉廳舊址

高才巡檢司署原在高才坂後因析縣大田改建於二十九都之街頭復
燬清乾隆二年巡檢楊茹重建

廢署附

明察院在崇文坊布政司分司在宣化坊建南道在縣治西舊縣尉司
址府館在宣化街英果寨巡檢司在縣西七都稅課司在縣治東積善
坊弓兵營在縣城南

永安縣

知縣署在縣城儒學西舊浮流巡檢司址明景泰三年始置府通判倪冕
建小屋三楹視事四年知縣韓隆創建嘉靖四年知縣姚章加修飾焉萬
曆二十一年知縣蘇民望以縣前逼窄徙坊於縣之對街王簿袁素彝於

東西設立柵門崇禎九年知縣劉允重建大堂清康熙九年知縣朱經何
密李可材先後修葺雍正九年知縣裘樹榮捐修大堂

典史署在縣署東南

安砂巡檢司署在縣治西八十里湖口巡檢司署在縣治西一百二十里

廢署附

明布政司分司在縣北建南道在縣治北府館在縣治前稅課局在縣治西

福建公署志卷六

建寧府 建安縣 甌寧縣

萬壽宮在郡城禾義坊清乾隆十六年分巡道知府各屬縣及紳士捐建知府署在從化坊卽宋提舉司元肅政廉訪司故址舊在中和平理二坊之間唐建中初刺史陸長源建按舊志吳永安三年王蕃爲太守建治溪南覆船山下宋元嘉初太守華瑾之遷黃華山麓梁末爲長樂侯蕭基所焚太守謝竭立木柵於溪西爲治所陳刺史駱文廣復移覆船山下唐大曆閒以州城多故寄治建安縣卽明行都司建中初陸長源復於其地築城建第自是縣爲州治宋建炎初葉儂叛移寓建陽紹興初范汝爲叛移寓崇安明年寇平復舊治元至正十七年改建寧路總管府至正末改建寧分署明洪武元年改爲衛尋改爲行都司而府治寓於從化坊之建安縣八年知府胡禎始移建今所宣德七年知府張順修成化三年知府劉鉞於府門之前爲平政坊又前臨大街建樓爲府外門清順治五年大堂

解字吏舍悉燬十四年知府謝祖悌重建康熙二年知府高攀龍建承流
宣化二坊十二年建安縣知縣張大典重修舊有雙清堂宋紹興閒提舉
司作堂於廳後臨壕扁以是名後提舉洪昕又作堂寢室之前扁曰志清
（玉峯樓在後城壕北提舉王秬作多美樓悠然堂紹興閒提舉張濤合
而一之作玉峯樓樓下有室提舉周頡扁前曰思賢吳挺扁其後曰歲寒
臨壕又有醒心亭倚城又有綠靜亭）（瑞華堂擢秀堂在舊提舉司內紹
興閒後城壕中產十蓮合跗同莖提舉袁復一因作二堂扁以是名後改
擢秀曰問政）（三省齋在提舉司志清堂右提舉宋若水建）（紫芝亭在
提舉司內又有復菴及讀書室）（遙碧軒在提舉司東偏僉事廳之後後
改爲宣德齋）（瞻辰軒在提舉司寢室之後提舉吳挺立扁）（建安堂在
舊府治內又有迎暉館建寧鎮武薰風澄鮮和豐諸堂皆宋時建）（復齋
在舊府治內紹興閒郡守程芾建）（幔亭在舊府治後郡守蘇嶠培基城
上直紫霞洲之北建亭取武彝君宴幔亭之義故名）（思賢堂在府治北

以楊億詩刻石立堂上命曰思賢（玉仙堂在舊郡圃淳熙間郡守韓元吉得泉於城下亭曰良泉構堂於中曰玉仙以玉清洞梅仙山合名前立二亭左曰連繡右曰留春亭後鑿池以導北山之泉作亭臨之號紫霞洲因城爲臺曰風月淳祐閒郡守王遂又構亭於臺之東曰思洛（碧雲樓在府治內宋時建）

經歷署在府治內儀門東

建安縣知縣署在府治西從化坊卽宋東通判廳址初治黃華山下唐大曆間州寄治於縣署自是縣治改遷莫知其處或云在平肆坊大葛巷內舊爲茶場元改都稅務今爲民居宋治平三年析置甌寧縣建署於寧遠門內熙寧閒甌寧縣廢遂卽其址爲建安縣署建炎閒燬於兵紹興二年知縣石廉重建元至正二年縣尹徐屬移建今所明正統十二年知縣胡欽建儀門及三門景泰六年知縣葛琬建後堂及廨舍成化七年知縣徐宗建穿堂萬曆十五年火知縣鄭兆芝重建三十七年掌縣事推官商之

相重修清順治五年燬六年知縣劉疇重建舊有節孚堂在縣獄旁知縣常御孫扁 杏春亭即梅亭也知縣張棐作凌風亭韓元吉建 泖齋有井極清泖韓元吉扁是名

縣丞署在迪口村舊在縣署左清乾隆十二年移駐典史署在大門內房村街巡檢司署在房村

甌寧縣知縣署在府治西從化坊元白公主衙故址宋治平三年始置縣治在寧遠門側熙寧間縣廢遂為建安縣治元祐四年復置乃建治於城北朝天門外其地今包城中後燬於兵紹興四年邑令范琦重建元徙於譙樓內宋西通判廳之故址明洪武元年知縣展鑑因即朝天門舊址重建十二年知縣王迪遷於今所天順閒知縣喬銘建儀門外門萬曆十五年火知縣顧允元重建三十七年水知縣易應昌修清順治五年燬於兵六年知縣江中楫重建舊有不欺堂後更名思占浮香堂琴暇堂俱宋知縣林朝俊建 民肥堂宋知縣魏彥槐建後改名高遠

縣丞署(在嵐下)典史署(在縣堂東南)

葉坊驛巡檢司署(在豐樂里葉坊灣頭巡檢司署兼水馬驛在和吉里灣頭)

督學試院在府署左清乾隆十六年巡道來謙鳴知府史會期同建安甌寧兩縣及紳士於儀門內東西兩房捐建考屋十間

鎮守建寧等處總兵署在府治東親賢坊

中營守備署(在府治興賢坊演武場在威武門外萬安洲上中有雅歌堂宋紹興間建)

廢署附

宋福建轉運使司(在府城東建安縣治東北舊有迎暉堂中有聽雪亭漕使周頡建清風堂運使呂企中建又有環秀亭運使馬純建後爲萬

象樓主管廳(在府治東登俊坊)司戶廳(在府治西陞華坊)司法廳(在府茶事提幹廳(在府治東登俊坊)司戶廳(在府治西陞華坊)司法廳(在府

治北後徙於舊錢監廳檢踏廳與司法廳相鄰卽舊豐國監觀察推官廳在平理坊錄事參軍廳在府治北節度推官廳在府治東建安路類試院在府治東宣化坊景祐閒從賈昌期之請命諸路轉運司類試舉人乾道閒運使沈樞始於南門之左創類試院元改創廉訪分司衙明廢爲軍職任舍舊貢院在登俊坊宋時建安歲考貢士紹興閒運判邱礪先守是邦後領漕事以眾樂園及園旁近地鼎創之元時合試於浙江行省改貢院爲劉子翬書院明洪武閒改爲建安縣儒學學遷又改爲新察院常平提幹廳在府治西明德坊監合同場官廳在建溪門內路分廳 帳司廳二廳俱在府治北李惠坊建安縣尉廳在府治東甌寧縣丞廳 簿廳 尉廳三廳俱在府治北太平坊內都稅務 監稅務二務俱在府治西平肆坊鎮守公館在紫霞洲西南舊名黃衙本建陽衛公署惠民二局東局在和義坊大中寺之側西局在平政門之左明改西局爲旌善亭

東南副將廳在府西北親睦坊左翼軍統制衙在臨江門內兵馬監押
西廳在臨江門外平政橋側兵馬監押南廳在大中寺門右水吉都巡
檢寨在府城西北禾吉里都作院指揮營在府治北孚惠坊威果第二
十七指揮營在府治北親睦坊舊宣毅營北廣節第四指揮營在府城
東政和門內第五指揮營在府治北親睦坊保節第十指揮營在府治
南崇儒坊第十一指揮營在府治北親睦坊第十二指揮營在府治南
崇儒坊第十三指揮營在威武門內論秀坊第十四指揮營在府治北
孚惠坊都作院指揮營在府治北孚惠坊寧節指揮營在府治西北西
塚之上左翼軍營在臨江門內豐國監營在府治東中和坊又有池在
旗纛廟後壯城營在府城東宣化坊

明布政司分司在宣化坊府學東左衛倉故址建寧道在府治東宋徐

參政元李萬戶居第稅課司在興仁坊宋使華館故址籌嶺巡檢司在

縣南龍門橋頭東遊稅課所在縣東安泰里稅課局在府治西高洋里

上洋口織染局在崇儒坊北弓箭局附焉。

福建行都指揮使司在中和平理二坊間卽舊府治建寧左衛指揮使司在行都司東元魏參政居第建寧右衛指揮使司在行都司東元錄事司故址。

建陽縣

知縣署在交溪之西北晉太元間創於建忠里今保太寺址是也唐嗣聖間徙於今所宋建炎初燬於范汝爲之亂紹興二十一年知縣傅穎重建其縣額則朱文公手書也元復燬於兵至正十四年達魯花赤黃火兒不花復建明洪武元年知縣吳義重修永樂間圯於水十八年知縣梁溥仍舊址草創視事宣德四年知縣張光啓重建成化十七年知縣海澄增建規制悉復其舊嘉靖間知縣項錫葺大堂隆慶間知縣李思寅修大門萬曆十九年知縣吳天洪以廡後地勢稍低建閣五楹以壯其勢清康熙六年火知縣馬世道修二十五年知縣李六成建儀門三十六年又火三十

七年草創前後堂三十九年知縣柳正芳捐俸重修舊有快爾樓壯哉樓
宋慶元令儲公用建 近民堂敬簡堂絃歌堂俱淳熙間令黃謙建 玉
屏閣在治後明隆慶間令吳天洪建縣丞署在永忠里麻沙街典史署在
縣署東

南槎巡檢司署在南槎清乾隆三十一年裁松溪縣遂應場巡檢改駐建
寧左營守備署在縣治西街

廢署附

元弓手營在縣西隅大障山爲教閱之所俗呼後營

明東察院在縣治西北舊儒學地西察院在東察院右扣冰寺故址布
政司分司在建寧道東按察司分司在布政分司西建寧道在縣治東
南隅府館在縣治南隅水陸寺故址建陽稅課局在縣治北街后山稅
課局在縣西崇泰里

崇安縣

知縣署在東城內初爲溫嶺鎮卽營嶺也宋淳化五年升鎮爲縣就嶺建
治至道閒始建今所紹興閒邑令蔡傳素王統乾道閒邑令諸葛廷瑞淳
熙閒邑令王齊輿先後增建端平二年邑令章端子重建一新寶祐閒令
趙時鏐拓廣之宋季燬於兵元至元十三年達魯花赤任德用修建其後
縣尹張茂績潘忙古完顏銑典史林晉又增修之元末復燬於兵明洪武
閒知縣陳觀邵文昂張子彬相繼增修嘉靖四十年知縣登復陽以大門
東向改而南之(邱雲霄記)清順治三年知縣張法斌重修十五年知縣韓
士望修後堂清康熙二十七年燬知縣楊雲鵬修建四十四年知縣王梓
建坊題曰宋太保趙清獻公舊治擴屏牆於南十餘步乾隆五十七年知
縣孟廷對修嘉慶十二年知縣魏大名重修舊有清獻梅亭在治後宋趙
抃爲令時手植梅於後園後人立石刻清獻梅三字元縣尹彭好古構亭
其上又縣門外有清獻松亦抃所植(忠獻堂仰瞻堂在後園俱宋時建
又有浮香閣緩步亭(高遠樓在琴堂之後其旁有拄笏軒(見山堂在

琴堂之側令張嗣孫建（文會堂在正廳之側）

縣丞署在星村舊在縣署左清乾隆二十二年移駐典史署在縣署東五夫村巡檢司署在五夫里舊在分水關清乾隆三十二年移駐

建寧左營遊擊署在營嶺右教場（一在南門外一在西城內白雲庵右

廢署附

宋丞廳在縣西興賢坊右有近民堂清慎堂丞楊注建尉廳在興賢坊

營嶺南有武觀堂尉方昭輔建鈐轄廳在營嶺左王學廳在營嶺南

明東察院在東峯街西察院在營嶺右今爲遊擊署布政司分司在營

嶺左宋省倉址建寧道在縣治左府館在縣西營嶺布政司分司鎮守

衙宋鈐轄廳故址皇華館 稅課局俱在營嶺左酒務在縣治前宣化

坊左銅庫在營嶺常平倉內

浦城縣

知縣署在光祿街東漢建安閒置漢興縣建治於此唐天寶閒改今名宋

紹興四年燬於寇邑令吳中美重建元至元閒達魯花赤倚南海岸葺而新之歲久而圯明洪武元年知縣張鵬舉復建正統十四年處州寇燬知縣張鏞建景泰二年縣丞何俊成之萬曆間火知縣儲昌祚增建清順治七年知縣李葆貞修康熙三十年知縣金耀改大堂倚西向東四十年知縣蘇瑄復其舊乾隆十三年大堂燬知縣白永清重建五十二年西廳燬知縣鈕垠重建

縣丞署在縣署東典史署在縣丞署東舊有製錦堂宋令吳中美建

益亭巡檢司署舊在安樂里益亭清雍正十年遷九牧街乾隆二十六年改駐廟灣衙署仍在九牧溪源巡檢司署舊在登俊里後遷孝悌里太平橋清康熙二十一年移駐石陂街高泉司巡檢司署在高泉里明洪武三年設知縣張鵬舉建弓兵三十名

建寧中營遊擊署在縣東城隍廟左福浙楓嶺營守備署在樂平里漁梁教場在南浦門外三里

廢署附

宋丞廳在縣治東簿廳在縣治西尉廳在縣治北皇華坊監稅廳在縣治東南百餘步皇華館在縣北隅吳永安監縣爲吳興舊名吳興館宋改今名今承天寺卽其址

明西察院在西隅里天長坊前街布政司分司在治東西山精舍之後按察司分司在東隅里直街建寧道在縣治東府館在縣治東南元妙觀左稅課局在縣治北皇華坊

松溪縣

知縣署在東關里五斗金五代時王審知建於飯伏里以爲松源鎮周廣順元年南唐隱爲縣宋開寶八年始遷今所建炎末燬於兵紹興二年邑令林敏元建元至正九年達魯花赤阿思蘭診明洪武二年知縣常欽祖重建正統十二年復燬於兵景泰二年知縣張紳王簿吳岱復建清康熙十六年知縣馬雄俊重建乾隆五十二年知縣張瓚借帑修舊有劍峯堂

在治也

縣丞署在永和里清雍正十二年移駐典史署在縣署西

二十四都巡檢司署在縣北豪由里

建寧右營遊擊署在縣治內

廢署附

宋丞廳在縣東平政橋右簿廳在縣治北尉廳在縣治西偏宋臨川王益尉松溪生安石於此李忠定綱母夫人由龍泉歸館於此綱實生焉
明布政司分司在縣治南臨大溪建寧道在縣治東東關巡檢司在縣南東關里五都稅課局在縣治前直街之西使華館在縣市南

政和縣

知縣署在感化上里東岸口舊在西里天王寺北卽古關隸鎮之署宋咸平三年徙建今所建炎末燬於兵紹興四年邑令張民彝重建元至正間再燬至簿楊濬新之明洪武初重修正統間復燬景泰五年知縣顧讓

修七年縣丞楊啓增建成化二十年知縣柴曦建正廳嘉靖十一年知縣潘邦相增建十八年知縣陳德文建川堂吏舍清康熙十五年燬二十年知縣李國樟重建五十九年知縣于學謙修葺舊有四謀軒在治內邑令張壽崗建

典史署在儀門外西南

下庄巡檢司署在下庄舊爲赤巖司在東里十五都清乾隆十三年移駐今所

建寧右營守備署

廢署附

宋丞廳在治西百餘步後改爲使華館館簿廳在治東後改爲省倉倉尉廳在治西舊丞廳址廳後有宣和閣縣尉朱松建羅從彥記元福建廉訪分司在治後

明布政司分司在治西建寧道在治惠府館在治西六十步稅務在舊

使華館西

福建公署志卷七

邵武府 邵武縣

知府署在城中西隅宋太平興國四年置邵武軍知軍張度創建建炎間燬於兵紹興十二年知軍汪安止重建紹定三年又燬明年知軍王遂建正廳趙以夫繼建儀門兩廊及譙樓劉克莊有記淳祐六年災知軍葉彥炳重建咸淳六年知軍廖邦傑稍易向方而更作之元至元十四年復燬於寇總管魏天祐重建明洪武元年知府周時中重葺正統三年知府徐述建後堂成化間知府馮孜修正堂後堂後守劉元修譙樓置刻漏弘治間知府王儼夏英嘉靖間知府王鈞邢址相繼修萬曆三十七年圯於水知府周之基署府同知萬尙烈重修四十五年知府韓國藩改造內署崇禎間知府李衷純改建儀門稍易向後守彭塢復舊清順治四年知府陳喆修康熙三年知府汪麗日重修二十年知府張一魁修吏舍四十二年知府魏麟徵以譙樓舊據土阜募役運土填城西外壕就平地重建乾隆

六年知府魏素於東西建轅門南爲照牆舊有雅歌堂在治內宋時建其

右有燕喜堂（凝香堂太守燕喜）南軒西齋清心堂俱在治內（牧愛

堂 同仁堂

清軍同知署在府署東經歷署在府署西南

知縣署在府治東舊在城東三里大溪之北宋太平興國四年置邵武軍

隨軍遷今所後燬於兵慶元五年邑令史定之重建淳祐十一年邑令高

斯衍新之元至元十四年燬於寇尋復建至正十二年又燬於兵明年縣

尹孔公俊復建明洪武二年知縣水甦民新之宣德五年知縣鄒良重修

成化十五年知縣王拯區畫修建以憂去十七年知縣王濟成之二十二

年知縣秦淳修後堂儀門大門弘治十八年知縣姜桂建正堂嘉靖六年

知縣蕭起鳳十二年知縣曹察十五年知縣葉朴相繼修宅舍庫獄規制

完備萬曆三十一年正堂穿堂燬知縣商周祚建清康熙十五年秋燬燬

二十二年知縣吳朝選重建乾隆二年知縣吳煦建正堂吏舍二十三年

知縣張增二十九年知縣王勳相繼增建舊有海棠亭在治內宋張仕遜
宰邑時嘗卽聽訟之所手植海棠因以名亭後登台輔邑人封植以比甘
棠

縣丞署在禾坪舊市街乾隆三十二年以拿口縣丞改駐典史署在縣署
東南拿口巡檢司署乾隆三十二年以邵武府司獄改駐水口寨巡檢司
署在縣東十六都

督學試院在府治西舊縣學地明嘉靖閒遷縣學改爲九龍觀隆慶閒又
改爲分守建南道署今爲試院乾隆十八年泰寧縣紳士童祖憲童德勵
童德邵捐修考棚

城守參將署在府治南常豐倉後舊在邵武衛治卽元邵汀翼萬戶府清
康熙二十二年副將李日烜建於今所

左營守備署在四角亭東數武

教場一在溪北宋時威果營地一在縣學宮後雍正二年參將王紹緒關

明邵武衛治爲之軍裝局左營在內教場西右營在天后宫左火藥庫在鎮署蓮塘前

廢署附

宋通判廳在府治東命判廳在府治西司法廳在府治東南

元達魯花赤廳在府治西推官廳在府治東南隅監司行署在府治南錄事司在府治西蒙古字學寓縣學前之舊書閣官醫提領所在醫學西尉司在水北

明察院在府治東布政分司行署在府治東南隆賢坊舊延福院地建寧道在府治東百步許宋通判廳地元爲閩海道肅政廉訪司分司洪武三年改爲按察司分司二十九年改今名稅課司在府治東南楊坊稅課司在縣東六都界首元爲稅課務明改爲稅課局拿口稅課司在縣東二十二都拿口市西元爲稅課務明改爲稅課局河泊所在東門外

邵武衛指揮使司(在府治東南)宋館驛址元爲邵江翼萬戶府

光澤縣

知縣署在杭川南舊財演鎮地宋太平興國四年卽財演鎮地爲治建置
莫考元至正十二年燬尋復建明洪武元年征南將軍胡廷瑞舉南昌衛
鎮撫洪忠鎮守是邑悉撤而大之弘治三年知縣魏默重修正德十二年
知縣鍾華修正堂後令潘侃重修萬曆閒圯知縣羅希尹重建清康熙十
一年知縣王吉修正堂後堂二十二年知縣金鳴鳳五十七年知縣吳堂
雍正三年知縣張秉綸相繼增修乾隆十七年知縣柯欽錦二十一年知
縣鍾文標重修二十四年知縣段夢日修大堂舊有瑞竹亭宋上官均以
言謫宰邑時有竹生於庭一根四幹十八節人以為瑞元至元初朱萬初
由館閣出尹有惠政竹復生因構亭扁曰瑞竹

典史署(在縣署東)

大寺寨巡檢司署在杉關今借署止馬市萬安觀

廢署附

宋尉司(在治西)

明察院(在治東大街施家巷)布政司分司(在縣南半里許龍興觀左)建寧道(在治東二十餘步舊城隍廟地)稅務(在治東)稅課局(在治西十都止馬市)

建寧縣

知縣署在鳳山之東雖江之北舊在今縣治西南三里許宋建隆元年南唐升永安場爲治遷治今所紹興三年邑令吳播建廳宇後燬於寇紹定間令趙紡夫重建淳祐五年邑令林玘建譙樓及宣詔頒春二亭景定四年令宋秉孫置刻漏咸淳六年令程夢桂拓廳宇而大之元至正十二年兵燬二十年邑人馮真卿建治事堂明洪武二年知縣程思道又繕理之規制始備正統十三年燬於寇天順二年壬簿丁暹復建嘉靖閒知縣江一桂朱良訓何孟倫皮志文相繼修葺清順治十四年知縣溫光涵重建

後堂穿堂十八年知縣袁植建譙樓康熙閒知縣周燦修五十八年知縣章全人以堂與儀門異向更而新之易大堂爲丙向移儀門正中乾隆二
年知縣楊昌言續修舊有安靜堂在廳左宋縣尉趙希駿建得閒堂在
治後

典署署在儀門左

邵武右營都司署在北門顯武坊軍器庫在顯武坊五忠廟側教場在縣
西中有止戈亭

廢署附

宋丞廳在舊縣左簿廳在舊縣治北尉廳在舊縣東朝京館在縣西

明布政司分司在縣治東七十步舊醫學地建寧道在布政分司左宋
尉司地府館在縣治南街東西安巡檢司在縣西里心保軍口巡檢司
在縣南五十里稅課局在縣治東宋稅務

泰寧縣

知縣署在鑪峯左杉溪之南舊歸化鎮地五代唐長興元年建宋紹興四年邑令范振重建紹定二年燬於兵端平間復建元延祐三年達魯花赤也先修至正十二年復燬明洪武三年知縣陳塢重建九年知縣定定撤正廳而拓之成化九年知縣徐琛建後堂弘治十五年知縣梁德宏十七年知縣瞿鵬相繼修崇禎元年知縣徐尙達修後堂清順治十年知縣王譽命易後堂舊制屏牆居中左曰丹臺右曰碧院康熙五十六年知縣范廷諤重建正堂乾隆二十年知縣汪瀾原三十二年知縣施文燾先後修建

典史署在縣堂東南

廢署附

宋丞廳在治東簿廳在治西尉廳在治東南

明布政司分司在治右建寧道在治東南百步許府館在治西譙樓右稅課局在治南利涉橋西宋名稅務

福建公署志卷八

汀州府 長汀縣

祝聖院在定光寺

知府署在正北卧龍山唐大曆間刺史陳劍遷此宋建炎間燬於兵紹興
元年郡守陳直方始建廨十四年郡守陳定國增建紹定間郡守李華病
其隘陋以次改作明洪武初因其舊創建永樂八年知府宋忠重修增高
月臺甬道成化十一年通判李祺修弘治間知府吳文度同知章頌萬曆
間知府劉玉成增建崇禎間知府林聯綬葺大堂清順治十二年知府涂
應泰重建道光九年吏舍及大堂燬知府覺羅誠善修舊有道山樓在治
後初名北樓樓之下爲熙春堂又有蓬萊閣依光樓覽勝樓鎮山堂二瑞
堂如心堂道愛堂俱宋時建 洗月亭在後堂明弘治間同知章頌建
議政軒凝翠軒俱在治內

清軍同知署在府堂左經歷署在府堂右舊糧捕廳

知縣署在府城南二百步唐大曆間隨郡遷置今所宋建次開知縣黃渥
嘉泰間知縣謝周卿紹定間知縣宋慈先後修建明洪武三年知縣孫庸
重建正統十四年燬於寇景泰初知縣陳宗周勸建未備成化十六年知
縣謝珪縣丞鄭景華廓而新之弘治六年知府黃富建大堂嘉靖四年知
縣李日芳萬曆二十年知縣唐偉宗禎五年知縣薛應聘修清康熙五十
年知縣張文偉重修乾隆三十八年知縣周麟生葺大堂後知縣劉席豫
踵成之道光六年知縣謝炳然重葺舊有芙蓉臺在治內宋時建 丹香
亭在治圃又有萬雪亭絃歌書院俱宋時建 清汀亭在治東北隅邑令
周麟生建爲遊憩之所

典史署在縣署前

古城寨巡檢司署在縣西古貴里宋時在河田市

督學試院在府前街卽舊汀州衛清乾隆二十五年知府高靈知縣楊廷
樺修號舍嘉慶二十一年知府孫爾準知縣吳應韶倡捐改二廊爲四廊拓

增號舍

鎮守汀延邵等處總兵署在府前街卽舊察院公署

中營遊擊署在仁威廟前守備署在威遠營卽舊臨汀驛左營守備署在顯靈廟左右營守備署在眞君廟東教場在東關外中有映溪臺郡守上廷檣築左營軍裝庫在左營守備署前右營火藥庫在福壽坊

廢署附

宋丞廳在縣西尉廳之左舊在縣西青紫坊正街尉廳在縣西使院在府治儀門左會廳在子城內通判廳在府治東初在舊頒條門中有悠然樓又有堂曰寸碧軒曰君子亭曰橫舟曰歲寒曰鄞江曰風月判官廳在府治東南門下推官廳在府治東登俊坊錄事廳在子城內譙樓西司理廳在府治西崇福坊正街司戶廳在府治東福壽坊司法廳在判官廳右西稅廳在府治東福壽坊正街

兵馬押監廳在府治西崇福坊城隍廟左後改柳州廟添差南兵馬都

監廳在府治西崇福坊添差東兵馬都監廳在判官廳之左訓練禁軍
廳即廣節指揮營巡轄廳在舊頌條門外凌波營在府城東鄞河坊牢
城第六指揮營在府治東橫岡嶺上寧節指揮營附馬廣節第八指揮
營在府治東保節第二十指揮營在府治西任節第二十一指揮營在
府治東威果第二十五指揮營在府治西
明察院在治東今爲總鎮所布政司分司在府治東舊在開元寺中東
畔按察司分司在府治南小教場漳南道在府治東舊在廣儲門內城
下中有清暉亭負九龍峯面寶珠山巋然勝概行都司在府治東預備
倉前舊建南道稅課司在府城東南惠政橋頭

寧化縣

知縣署後唐同光二年縣令王雲始自黃連岡改建於此宋紹興間知縣
王炳彥端平間知縣趙時瑄重建元至正十二年燬於寇明洪武三年知
縣張思誠建二十三年知縣陳時中修正統十四年復燬景泰二年知縣

章清重建天順二年知縣梁昂主簿鄭預建正堂後堂儀門及僚吏廨舍
成化二十三年知縣陶溥修嘉靖四年知縣馬淑改建正堂二十六年知
縣潘時宜改建儀門三十三年知縣張洵修萬曆三十年知縣唐世濟崇
禎八年知縣凌世韶繼修清康熙開知縣何鳳岐袁格先後修葺舊有勤
政堂書林亭龜陰亭如農亭願豐樓在縣治內俱宋時建

縣丞署在縣署左清雍正十二年移駐泉上里典史署在縣署前

安遠寨巡檢司署在縣治北招得里石牛巡檢司署在縣南會同里

廢署附

宋丞廳在縣治西北簿廳在縣治後舊在縣治左尉廳在縣治東北隅

明布政司分司在縣治西二十步許按察司分司在縣治東舊肅政廉
訪分司明永樂閒改爲按察分司成化閒又改爲漳南道正德閒又改
爲察院漳南道在縣治東十五六步府鎮在慈恩塔寺後商稅務在簿

廳東稅課局在縣東壽寧橋頭

清流縣

知縣署在屏山之陽宋元符元年邑令劉敘勗建乾道閒邑令黃藻修紹定閒燬於寇端平元年邑令王元瑞建嘉熙閒邑令趙樵夫淳祐閒邑令林奕增建元至正四年知縣吳文淵重修六年寇燬明洪武二年知縣朱仲恭重建永樂十四年復燬漸次修葺正統十三年復燬景泰七年知縣吳中重建寢復其舊後知縣凌寀童冕劉光奕鄧邦髦何孔陽相繼修清康熙閒火知縣李含培王鼎新繼建乾隆八年知縣岳攀桂重建大堂典史署在舊縣丞廨內

汀州左營遊擊署在縣前公館右教場在縣山川壇

廢署附

宋丞廳在縣治東二十步簿廳在縣治東北隅尉廳在縣治西

明察院在縣西卽古縣尉廳址布政司分司在縣治西漳南道在縣治西布政分司東府館在九龍驛南稅課局在縣龍津橋西右畔

歸化縣

知縣署在廣濟街北嚮舊爲明溪鎮巡檢司隸清流縣成化六年改爲縣治按察司僉事周謨命通判吳桓明溪驛丞孫亮督建知縣郭潤繼而成之議者以天下縣治皆南嚮今獨背離面坎非宜弘治十五年燬知縣王鳳請於巡按陳玉巡道杜啓重建改從南面嘉靖十二年知縣王恩仍改北向以龍自南來面離則脫脈四十二年知縣曾遷重建清康熙間知縣王國脈修

典史署在縣衙左畔舊縣丞衙前

夏陽巡檢司署在縣治東八十里歸下中和沙場三里界

廢署附

明黃楊巡檢司在縣東歸下里察院 布政司分司俱在西清街漳南道在縣西溪驛府館在西清街

連城縣

知縣署在蟠龍山之前文溪之北宋紹興二年攝縣事長汀縣丞卓庠初
建紹定間寇燬邑令徐价營建後令米巨宏踵而成之元至正六年復燬
明洪武四年知縣鄧昇重建正統十四年復燬署縣李翰重建弘治間知
縣闕銓嘉靖間知縣金榜陶文淵萬曆間知縣徐大化相繼修清順治五
年知縣田生玉重新之康熙二年知縣杜士晉王心相繼增建乾隆十年
知縣段昕秦士望修十五年知縣徐尙忠修大堂舊有皆山樓道愛堂三
異堂立翠亭義松亭松芳亭月林亭愛蓮軒不欺室俱宋時建

典史署在縣堂外西

北團寨巡檢司署在表席里新泉

廢署附

宋簿廳在縣東瞻巖館尉廳在縣南

明漳南道在縣治東舊爲按察分司復爲建寧道府館在縣治東北百
步許舊預備倉址稅務在縣西廊稅課局在縣治南文川橋之側

上杭縣

知縣署在城之中近南宋乾道七年邑令陳朝章勸建端平元年邑令趙時鉞重建淳祐三年圯於水寶祐五年邑令李務行建正廳元至正間燬二十五年達魯花赤伯顏建明洪武十五年知縣鄧致中建議樓正統十四年沙尤寇燬景泰二年知縣楊瑾重建宅堂吏舍規制悉備成化十四年知縣蕭宏修正德十年知縣謝浩重建譙樓嘉靖間署縣斷事吳元陳徇堪輿言撤去上一層萬曆六年知縣楊萬春復建如舊制清順治十七年知縣翁需建正堂康熙二十年知縣蔣廷銓建大門修三堂乾隆十年知縣梁欽修儀門十六年知縣趙成復撤去譙樓上一層二十二年知縣顧人驥重建川堂

縣丞署在峰市街原在縣治東清雍正十二年移駐典史署在縣堂左

汀州右營遊擊署在縣北舊布政分司址教場在城外西北隅

廢署附

宋丞廳在縣治南簿廳在縣治東尉廳在縣治西

明察院在縣東北舊爲射圃中有時雨堂王守仁平漳寇回駐軍於此
適旱得雨守仁爲文勒石曰以名堂布政司分司舊在縣東十步許成
化間改建縣東北射圃西南萬曆間知縣錢堯中改建於縣北舊學之
址今爲遊擊署漳南道在縣治東三十步許元爲廉訪明初爲按察分
司署諸色官錢庫在縣治西稅務在縣治西

武平縣

知縣署在人和坊東初在武溪里後遷今所宋隆興間邑令王正國乾道
間邑令趙賁相繼營建嘉泰間邑令趙善綽重新更造自是上下阜安民
以爲改作之利紹定間燬於虔寇端平初邑令趙汝珏重建而變嘉泰之
舊縣偶多事議者咎焉寶祐間邑令阮逢午復改卜其西偏勅建元至正
二十三年縣尹魏侃夫仍於舊址重建明因之景泰間知縣周希貴修嘉
靖間令張策重修明末流寇焚燬邑令潘絃更建清康熙十年知縣劉

乾隆十一年知縣章文瑗相繼修葺嘉慶二十三年知縣李璋倡紳士共捐道光十年知縣李振習重建煥然一新

典史署在縣治門內左

象洞寨巡檢司署原在縣盈塘里與潮海接界宋政和間置巡檢土軍明洪武初改今名嘉靖初遷懸繩清巡檢移駐巖前守備司今駐縣城永平寨巡檢司署在縣北信順團里帽深宋淳祐間始建廳所後移駐貝寨近江西羊角水今駐縣城

廢署附

宋丞廳在縣治西簿廳在縣南文明坊尉廳在縣門內弓手營教場附其右

明布政司分司在縣治南禪果寺之東漳南道在布政分司側舊爲肅政廉訪司分司府館在禪果寺側商稅務在縣治西

永定縣

知縣署在溪南里明成化十五年開昌巡撫右僉都御史高明按察司副使劉城布政司參議陳渤命府經歷黃琛上杭縣知縣石塘經始營建及知縣王環至踵而成之左連布政分司正德元年署縣葉瑄遷布政分司於射圃拓其址爲縣署萬曆十三年知縣姜子貞大加葺治四十五年知縣吳殿邦建聽松樓清康熙十六年知縣顏佐修二十年知縣呂坊之修建一新乾隆十七年知縣伍煒重修

典史署在堂左

三層嶺巡檢司署在金豐里太平寨巡檢司署在太平里高陂

廢署附

明察院在儒學後舊射圃地原爲布政司分司布政司分司在縣治東三十步許後遷射圃又遷治東卧龍山下漳南道在布政司分司之左府館在儒學西

福建公署志卷九

福寧府 霞浦縣

知府署在龍首山之麓初晉置溫麻縣於四十一都太康間置今名古縣故址猶存唐改置長溪縣治今所建炎二年邑令潘中重建元至元間改爲州治州尹董德宣袁中張伯顏先後修明洪武初仍爲縣七年知縣郭徵宣德五年知縣錢宥俱嘗修建成化九年復爲州十一年知州劉象建尋火正德間知州歐陽嵩重建萬曆十七年又火十八年知州史起欽建清康熙二十一年知州郭明遠修葺雍正十二年升州爲府以州署爲府署乾隆二十四年知府李拔修葺一新

經歷兼司獄署在府署東二門內

知縣署在龍波東境原察院舊基清雍正十一年建府附郭立縣始建縣署舊有明新堂元長溪正廳延祐間建

典史署在儀門內西

柘洋巡檢司署在三十二都缺裁清乾隆五年復設三沙巡檢司署在三沙清道光元年以杯溪司移駐

督學試院舊名文館在城北朝天境明崇禎元年知州秦垌改建於廣寧倉北清嘉慶間霞浦縣知縣吳冲重建道光七年知縣秦爾馨捐俸倡五邑紳士修大門儀門及考棚

鎮守福寧等處總兵署在府治東

中營遊擊署 守備署 水師左營遊擊署在三沙東澳清嘉慶七年以本標陸路分防福安左營遊擊改駐八年建左營守備署 教場 軍裝火藥庫俱在三沙東澳

廢署附

宋丞廳在縣治大門內右簿廳在縣東門內尉廳在縣東門外西尉廳在西門外西禪院西曰巡檢司在州城南五十三都庫溪巡檢司在三十三都鹽田巡檢司在三十八九都

明察院在城東菱湖地原爲儒學今改爲縣署布政司分司 福寧道
俱在府治東松山巡檢司在一都青灣巡檢司在五都延亭巡檢司在
五十三都

福寧道指揮使司

福寧縣

知縣署舊本霞浦地清乾隆四年割以置縣以蘆門巡檢司署爲署六年
始建知縣傅維祖購左邊民居拓之乾隆四十四年知縣張道昌借帑修
典史署在縣署頭門左

秦與巡檢司署在秦與清乾隆三十一年移灌口巡檢司於此

桐山營遊擊署 守備署 烽火營水師參將署在秦與守備署

廢署附

明蔣洋巡檢司在九都桐山巡檢司在十七都小瀾巡檢司在十四都
大箕營巡檢司在十一都水澳巡檢司在十二都 謹按清乾隆四年

析霞浦勸儒鄉望海育仁廉江遙香四里地原州八都至二十四都皆屬福鼎故廢署附於此

福安縣

知縣署在辰山下原宋長溪縣西鄉尉衙淳祐五年改爲縣治邑令鄭黼建後令林子勳成之元至元間燬至大四年主簿胡璉建至正三年縣尹趙元善重建明洪武間知縣崔孚天順間知縣陳謨弘治間知縣王臚正德間知縣于震先後增建嘉靖三十八年倭燬知縣盧仲佃重建萬曆三十七年署縣衷時敕修川堂清康熙二十九年知縣李梅羹重建雍正四年知縣傅植七年知縣方士謨相繼修乾隆元年知縣蕭荃建縣堂十九年知縣夏瑚修燕堂建西廳後令程志洛陳良翼相繼葺嘉慶二十三年知縣劉忠皓領帑修舊有辰峯亭在治後山頂宋淳祐間令林子勳建爲登眺之所 錦屏堂在治西四旁環植海棠五千餘株故名

典史署在縣儀門左

白石巡檢司署在七都

福寧右營守備署 演武廳在南門外火藥局在城東北鳳尾山軍裝庫在鳳尾山

廢署附

宋尉司在縣鼓樓右亭嶺巡檢司在縣南飛鸞渡口漁洋巡檢司在縣北九十里稅糧場在縣南三江口白沙務在縣南二十五里稅課務在縣西南三里

明察院在縣治東布政司分司在縣治南重金山下按察司分司在縣治左福寧道在縣治東鹽運分司在蘇陽後移上長崎又改黃崎鎮

寧德縣

知縣署在白鶴山下舊為感德場五代唐長興四年閩王氏勅建為縣宋建炎二年燬紹興元年邑令趙誥之建元至元二十年又燬明年縣尹徐卯孫復建明洪武十年知縣朱政修弘治四年知縣徐滿增建十五年三

博江塔建後堂正德間燬七年知縣熊猗重建嘉靖四十年燬於倭四十三年知縣林時芳重建易舊址南向爲東向拓而大之萬曆七年知縣鄺彭齡十二年知縣高愈謙增建清康熙二年知縣張承瑞修二十一年知縣閻達禹重修雍正十二年颶風圯知縣嵇岳延重建乾隆十一年知縣周天福修後宅四十六年知縣盧建其借帑修舊有不欺堂在縣堂東丞蘇邦詩室明室暗兩相宜方寸長存不可欺勿謂天高鬼神遠要須常畏自家知

縣丞署在周墩舊在縣治左清雍正十三年移駐典史署在縣治左

石堂巡檢司署原設麻嶺後移駐石堂清道光十年裁霍童巡檢司署在霍童村清乾隆三十一年以福州府倉大使駐

福寧古營遊擊署在北門內清順治五年建火藥庫 軍器庫俱在遊擊署前

明察院在縣治左布政司分司在縣治南一里許按察司分司在縣治南原係射圃福寧道在縣治東二十餘步稅課局在縣治南三百步許壽寧縣


知縣署在城東鎮武山原建寧府卽古楊梅村地明景泰四年按察使事沈訥相地立縣邑民葉伯銘以其田十九畝入焉六年知縣陳醇楊我主簿史立正助之天順間知縣王肅增建廨宇嘉靖四十一年燬於倭隆慶四年知縣梁元杲建明季又燬清初知縣李之蕃重建清康熙五十八年知縣金鼎錫修雍正十二年始改裁福寧府

典史署在儀門外左

滄溪巡檢司署在斜灘

廢署附

明布政司分司在儒學之東南南運軍道在縣治西府倉在縣治西



福建公署志卷十

永春州

知州署即昔縣治在大鵬山之南宋開寶二年邑令林滂建淳熙六年邑令林叢改創後令陳宏規踵完之陳知柔記後燬令陳珙林光庭梁炯相繼修治元至正末燬於寇縣尹盧琦重建後縣尹姜明安荅兒等增建明洪武四年知縣蔡暹重建永樂十五年知縣溫琇重修正統十四年燬典史陳受重建儀門天順二年知縣張銘建正廳後堂成化十八年圯於水知縣方敏重修弘治十一年知縣周庠重修正廳幕廳正德十五年知縣楊太古重建後堂嘉靖二年知縣柴鏞修建三十九年燬於倭四十一年知縣林萬春四十二年知縣謝裘隆慶九年知縣劉三錫先後增建清順治三年寇燬知縣鄭名重建雍正十三年升爲州乾隆十八年知縣杜昌丁葺而新之五十一年知縣鄭一崧重修舊有魁星亭在治左初名壽然宋紹興間邑令黃瑀重建一旌春亭在治左淳祐間邑令林光庭建

暇亭在治內今邑令江公望建 清和堂在堂下蓮塘有飛杠跨水

鹽捕州同署在大堂東偏舊為典史廨清雍正十三年改建

吏目署在大門東偏舊為寅賓賓館清雍正十三年改建

黃坂巡檢司署在一都黃坂清乾隆元年建

督學試院即舊明倫堂清雍正十二年改縣為直隸州權於明倫堂作者
棚乾隆十七年知州杜昌丁以其地隘請於舊訓導宅地添建號舍合明
倫堂及兩廊可容一千八百餘人一場局試而童生重考之弊絕三十二
年知州嘉謨始別建明倫堂以舊明倫堂為學院大堂以教諭署基建二
堂重新大門轅門并提調公廨又增廣西廊號舍

提標左營遊擊署在州東門外教場在西門外西壩內清乾隆五十一年
知州鄭一崧建

廢署附

明福寧道在縣治東與泉道行署明洪武九年建後廢府館明嘉靖五年建

後廢俱未詳所在

德化縣

知縣署在龍潭山西南丁溪之北卽唐歸德場治所五代唐長興四年以舊善業寺址創建宋熙寧間邑令陳居方重建紹興十三年邑令吳崇年鑿山以開拓之自淳熙迄元至治燬建不一明正統十三年燬於寇明年知縣王志安重建景泰五年署令安仁巡檢李海倡民助建漸復舊觀清順治三年寇燬六年知縣王榜建內外堂及後署康熙二十六年知縣范正輅建吏舍乾隆十年知縣魯鼎梅重修舊有馴雉亭秋香亭盍簪亭綠竹亭錦諸亭百花亭梅臺

典史署在縣治東偏

廢署附

明布政司分司 福寧道俱在縣治東高鎮巡檢司在縣北東西團安

仁巡檢司在縣南黃認圍稅務在縣治西

大田縣

知縣署在四海寨山之南明嘉靖十六年知縣唐文傑重建清順治五年燬十五年知縣查懿建縣堂康熙三十四年知縣周卜世增建舊狀元邱卽治署爲田種稻早穫故有斯名今縣二堂顏曰狀元志舊也（親民堂在縣治明建初名節愛知縣謝廷訓改爲新民後令鄺元禮改爲親民）
（宜永亭）天觀樓在治內康熙間邑令葉拔甲建
典史署在治右

桃源巡檢司署在聚賢里桃源社花橋巡檢司署在二十八都

廢署附

明察院行署在縣治西南隅布政司分司在縣治東王簿廨在縣治左

龍巖州

知州署在州城中央唐乾寧天祐間始置屢經兵燹宋紹興十七年以後寓解於僧舍乾道六年邑令林鼎創建淳熙三年令陳煥增建宣詔頒春

二門紹定三年燬於寇五年令趙性夫重建端平元年又燬嘉熙二年令
陳椿壽重建元至元三年縣尹魏德潤至正十年達魯花赤捏古柏修建
譙樓十七年達魯花赤馬合麻更今方向重建二十七年縣尹朱健修建
未就明洪武二年知縣趙榮祖繼成之三十一年正堂圯永樂五年知縣
程鵬卽其舊址前建小廳後建小堂天順間知縣李臭成化間知縣韋濟
陶博相繼修葺正德四年知縣余成重建前後堂嘉靖間知縣陳瀛胡寅
命湯相縣丞趨仕能萬曆間知縣曹允儒相繼修治清順治十二年知縣
王有容重修扁後樓曰望耕康熙二十五年知縣江藻更葺雍正十二年
升縣爲州乾隆元年知州張廷球修堂門擴小廳於內署西扁曰浸月軒
舊有勅書樓鳴絃堂俱在廳事宋乾道間邑令林鼎建

州同署在萬安里溪口社卽移駐縣丞原署

吏目署在州堂西偏卽舊典史廨

雁石巡檢司署舊在雁石嶺明正統間移設林口後署廢移駐道中驛

督學試院在州治東清乾隆元年知州張廷球以布政分司漳南道舊署
爲之又拆縣丞空廨增建邑紳吳烜等任其事

龍巖營遊擊署在州治後街守備署

廢署附

宋丞廳在縣治譙門內西隅簿廳在縣後西隅尉廳在縣西資政院右
舊在縣治鼓門內東北隅

明布政司分司在縣治東漳南道在縣治東布政司分司左鹽稅務在

縣西南隅

漳平縣

知縣署在城南門內明成化七年知縣陳栗創建十六年知縣李斌遷建
吏舍於知縣廨舍之後嘉靖間知縣施信修五年知縣王椿修正堂十七
年知縣秦文昂拓建內廨隆慶間知縣章述萬曆間知縣施孔儉劉懷望
傅文勳屢有修建清康熙五年知縣鄭琬修贊政廳及吏舍十二年知縣

趙震陽建後樓二十年内廢圯知縣查繼純修後正堂漸傾清乾隆三年知縣傅維祖重建二十六年知縣傅國勳修道光九年知縣蔡世鈞修正堂及儀門譙樓

典史署在縣儀門外土地祠右

守備署在治南門內清康熙五十年設其署即千總舊署改建分防千總署在永福里畱田社清康熙五十年改設

廢署附

明布政司分司在縣治東漳南道在布政分司前府館在縣治左桃源店巡檢司在縣北聚賢里溪南巡檢司在縣東感化里歸化巡檢司在縣南永福里

寧洋縣

知縣署(地本龍巖縣集賢里之東西洋舊有巡檢明隆慶元年海道周賢宣知縣董良佐建萬曆間知縣鄧干蕃陳德言向德象相繼修清順治十

一年燬於寇十二年知縣蕭亮修正堂建儀門及大門康熙二十八年知縣沈荃重修有甘露亭 梅花居在縣解內寇燬清康熙間邑令沈荃捐造以表古迹

典史署在縣堂左

廢署附

明布政司分司在城隍廟左府館在城隍廟右卽舊分司